



60 1 2 3 4 5 6 7 8 9 10 1 2 3 4 5 6 7 8 9 10

C 40-4514

了翁上座請大藏及有
家書置之武州紫雲山
我微笑塔院住府中未
為學者不敢許出院內
當山二世鐵牛機謹誌



B 64853

妙法蓮華經台宗會義卷二之一

古吳後學萬益智旭述

釋方便品竟次釋譬喻品

譬喻品第三

釋此亦二先總次別總釋者譬是比況喻是曉訓
托此比彼寄淺訓深前長文偈頌廣明五佛權實
上根利智圓聞獲悟中下之流抱迷未遣大悲不
已巧智無邊更復以類比况開曉令悟故言譬喻
別釋者因緣約教本迹觀心因緣者以世間父子

60 1 2 3 4 5 6 7 8 9 10 1 2 3 4 5 6 7 8 9 10

譬出世師弟。因于曾有聞未曾有。踊躍歡喜世界
益也。又以世資具。譬出世資具。使蒙佛音教不
大乘。汝等所行是菩薩道。爲人益也。又以世滅。此
出世滅。拔其苦難。令免燒煮。我已得漏盡聞亦除
憂惱。對治益也。又以世不生不滅。比出世不生不
滅。乘是寶乘。直至道場。安住實智中。我定當作佛。
第一義益也。佛以一音說於譬喻。巧令中下得四
悉益。故言譬喻品。約教者。佛意本讚佛乘。爲物不
堪尋念。先佛大悲方便。趣于鹿苑。稱歎三車。二乘

以下中自濟。恩不及人。菩薩駕牛。運他出火。故名
摩訶薩。此三藏教中譬喻也。又三人同畏燒煮。聲
聞如摩。直去不迴。緣覺如鹿母。並馳並顧。菩薩如
大象。身扞刀箭。全羣而出。此通教中譬喻也。又二
乘發心。近緣理淺。智慧弱。但斷通惑。不能盡邊到
底。非波羅蜜。菩薩發心久遠。理深。智強。能斷別惑。
窮源盡性。故大品云。二乘如螢火。菩薩如日光。此
別教中譬喻也。又始見我身。聞我所說。卽皆信受。
入如來慧。如斯之人。易可化度。不令如來生于疲。

60 1 2 3 4 5 6 7 8 9 10 1 2 3 4 5 6 7 8 9 10

苦。如華嚴中卽事而真。不須譬喻。華嚴經中非無譬喻。但彼入道

不正由茲爲未入者。四十餘年更以異方便助顯第一

義。今日靈山決定說大乘。普令一切開示悟入佛之智慧。不令一人獨得滅度。如今如始如始如今無二無異。上根利智聞卽能解。不令如來生于痛苦亦不須譬喻。祇爲中下踟躕歧道。故須今日大車譬喻而得利益。是名圓教中譬喻也。本迹者。迹中旣有四教譬喻以迹例本。本初成道亦應用諸譬喻成熟衆生。又爲蓮故華等以譬爲本施迹等。

具如玄文觀心者空如白牛。假如其度中如車體品題應在諸天說偈之後火宅譬喻之前出經者調卷故置此耳

四初法說周中有五段文上來初正法說竟

(已)二身子領解二初經家敘二身子自陳庚今

爾時舍利弗踊躍歡喜卽起合掌瞻仰尊顏踊躍歡喜敘其內解合掌瞻仰敘其外儀也。信解在心名歡喜。喜動於形名踊躍從妙人聞妙法得妙解內外和合致此歡喜卽世界釋也。又改小學

大棄貧事草菴受富豪家業。今日乃知真是佛子。是故歡喜。此爲人釋也。又憂悔雙遣疑難並除。內外妨障廓然大朗。故曰。我已得漏盡聞亦除。憂惱此對治釋歡喜也。又佛子所應得者皆已得之。安住實智中。我定當作佛。是故歡喜。此第一義釋也。約教者。歡喜喜於入位。而阿羅漢出三界樊籠破四住子果對害不戚。逢利不欣。今言歡喜。決非世間喜也。若苦忍明發。若盡無生智先已得之。今不應重喜。若三人同以無言說道體析。雖異證空一。

致一致之喜久已得之。亦不重喜。若二空觀爲方便道假觀蕩二乘之隘陋。空觀蕩凡夫之喧湫。過二邊惡得大歡喜。證道同圓。卽發心住亦得名歡喜住。又初行名歡喜行。初地亦名爲歡喜地。身子旣是上根利智。或是超入之歡喜。縱不超入亦必是歡喜住也。本迹者。身子久已成佛。號金龍陀。迹輔釋迦爲智慧弟子。始從外道拔邪歸正。示乳味歡喜利益。凡夫次示酪味歡喜利益。賢聖次示二酥。歡喜利益菩薩。今示醍醐歡喜利益。學佛道者。

60 1 2 3 4 5 6 7 8 9 70

如此等歡喜皆迹所爲耳。觀心者。觀心卽空假中。
從名字歡喜乃至究竟歡喜也。卽起合掌者。表其
解權。昔權實爲二。如掌不合。今解權卽實。如二掌
合。瞻仰尊顏者。表其解實無餘思念。唯緣佛境也。
歡喜踊躍是總明三業領解歡喜。卽起合掌。是身
業。瞻仰尊顏是意業。下文而白佛言。是口業。具明
三業領解也。

庚 二身子自陳二初長文二偈頌

辛 初中三初

標三喜二釋三結

壬 今初

而白佛言。今從世尊聞此法音。心懷踊躍。得未曾有。
今從世尊標我身親近佛身。故名身喜。聞此法音
依于佛口。聞而歡喜。故名口喜。得未曾有。是我意
能解佛意。故名意喜。

壬 二釋者。提昔之失顯今之得。又因昔感傷成今

所以者何。我昔從佛聞如是法。見諸菩薩受記作佛。
而我等不預斯事。甚自感傷。失於如來無量知見。
雖亦從佛聞如是法。而自身不預斯事。則身去佛

60 1 2 3 4 5 6 7 8 9 80

1 2 3 4 5 6 7 8 9 9

遠故無身喜。所謂雖近而遠者也。又聞猶不聞故無口喜。甚自感傷故無意喜。見諸菩薩受記作佛者。正指方等褒圓歎大復由彈斥所以感傷。

世尊我常獨處山林樹下若坐若行每作是念我等同入法性云何如來以小乘法而見濟度

山林樹下是思念之所。若坐若行是思念之儀。言同入法性者藏通皆以偏真名爲法性。然正聞三藏時。妄計大士實僅三祇伏惑自欣先證法性。不應思念。良由聞方等時密得通益。聞說諸法實相

三人皆得既是同入真諦法性云何菩薩便得授記我等終住小果。所以疑念不決。殊不知依於大乘中道法性方有受記成佛義也。以小乘法而見濟度此不聞大法故無口喜。妄計同入法性不解。權理故無意喜。獨處坐行身遠于佛故無身喜。是我等咎非世尊也。所以者何。若我等待說所因成就阿耨多羅三藐三菩提者必以大乘而得度脫然我等不解方便隨宜所說初聞佛說遇便信受思惟取證

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

初作念時意謂如來有偏故以小乘見度。久久思之引咎自歸故言是我等咎非世尊也。所以者何下釋成已咎。蓋由般若轉教付財密得別益。已知界外中道法性乃是成就無上菩提之正因。而我等根鈍既不能受擬待於高山先照之時復以欲速見小。勿勿取證又不知稍停待於方等般若之教所以引咎自歸然猶未知所證非爲真滅。所行卽菩薩道也不待說所因卽不解實不解方便隨宜所謀卽不解權無權實妙解故無意喜信受初

說故無口喜。思惟取證偏真涅槃達遠如來常樂法身故無身喜皆以昔失釋成今得也。二釋竟
王三結結成今日三喜也。文二初結二成
次今

初
世尊我從昔來終日竟夜每自尅責而今從佛聞所未聞未曾有法斷諸疑悔身意泰然快得安隱牒前引咎自歸名自尅責顯今歡喜徧于三業也從佛是身近佛身結身喜聞法是金口圓音緒口喜快得安隱是意同佛意結意喜言聞所未聞者

60

70

1 2 3 4 5 6 7 8 9

70

1 2 3 4 5 6 7 8 9

80

高山先照不預法席所以未聞三藏權說不詮中
理所以未聞方等彈訶焦敗無分所以未聞般若
轉教但爲菩薩所以未聞又三藏但聞偏真通教
但聞卽真別教但聞出于二邊乃名中道未聞方
便卽是真實所以名爲未曾有法也云何以小兒
度是疑佛是我等咎是自悔今不復疑亦不復悔
所以泰然安隱

(卷五)

今日乃知真是佛子從佛口生從法化生得佛法分

真是佛子身則近佛身喜義成從佛口生日喜義
成從法化生意喜義成得佛法分謂分證三德秘
藏也然身子初證阿羅漢時亦云爲佛長子從佛
口生從法化生由今望昔昔但在權故不名真今
目乃真此約對待義也又方等般若時則謂菩薩
乃名佛子聲聞無佛法分今日乃知元是真實佛
子此約開顯義也初長文竟

(卷五) 二偈頌三初頌標二頌釋三頌結

(卷五) 今初

爾時舍利弗欲重宣此義而說偈言

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

我聞是法音。得所未曾有。心懷太歡喜。疑網皆已除。我聞者。卽是親從佛聞。雙標身口也。得未曾有標意也。餘可知。

（五）二頌釋二。初補頌不失。二正頌皆失。癸今初昔來蒙佛教。不失於大乘。佛音甚希。有能除衆生惱。我已得漏盡聞。亦除憂惱。

不失大乘釋身喜也。佛音希有。釋口喜也。漏盡除惱釋意喜也。昔元不失。由已迷故。妄謂失耳。

（癸）二正頌昔失

我處於山谷。或在林樹下。若坐若經行。常思惟是事。嗚呼。深自責云。何而自欺。我等亦佛子。同入無漏法。不能於未來演說無上道。金色三十二。十力諸解脱。同共一法中。而不得此事。八十種妙好。十八不共法。如是等功德。而我皆已失。我獨經行時。見佛在大眾。名聞滿十方。廣饒益衆生。自惟失此利。我爲自欺誑。此頌旣聞方等彈斥。密得通益事也。無漏法。卽長文所稱法性。謂偏真涅槃。不漏落生死故。

我常於日夜。每思惟是事。欲以問世尊。爲失爲不失。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

我常見世尊稱讚諸菩薩。以是於日夜籌量如是事。今聞佛音聲隨宜而說法。無漏難思議令衆至道場。此頌既聞般若轉教密得別益事也。日夜若作表法釋者。日卽涅槃。夜卽生死。又凡夫生死二乘涅槃同名爲夜。中道法性乃名爲日。無漏難思議者中道法性不漏落二邊故也。

我本著邪見爲諸梵志師。世尊知我心拔邪說涅槃。我悉除邪見於空法得證爾時心自謂得至於滅度。此頌初聞佛說遇便信受思惟取證也。二頌釋竟。

㊂三頌結二初頌結三頌成 ④初又三初正頌
結二追敘疑綱三敘今領解 ⑤子今初

而今乃自覺非是實滅度。若得作佛時具相三十二。天人夜叉衆龍神等恭敬。是時乃可謂永盡滅無餘。佛於大衆中說我當作佛。聞如是法音疑悔悉已除。作佛具相結身喜。說我作佛結口喜。疑悔除結意喜也。自覺非實滅度者。但斷見思出分段尚有無明及變易故。若得作佛轉九界無常五蘊獲證常樂五蘊。是時五住究竟二死永亡。乃可謂真滅也。

海華會記

具相三十二。且舉法身妙色言之。相相無非相。海無非性德圓顯。故名爲具。

子二追敘疑悔

初聞佛所說心中大驚疑。將非魔作佛。惱亂我心耶。此明不惟方等時生疑般若時生悔也。于此經中。初聞略開三顯。一時尚自驚悔。所以三請不已。

子三敘今領解

佛以種種緣譬喻巧言說。其心安如海。我聞疑網斷。佛說過去世無量滅度佛。安住方便中。亦皆說是法。

現在未來佛。其數無有量。亦以諸方便演說。如是法。如今者世尊從生及出家得道轉法輪。亦以方便說。世尊說實道。波旬無此事。以是我定知。非是魔作佛。我墮疑網。故謂是魔所爲。聞佛柔軟音。深遠甚微妙。演暢清淨法。我心大歡喜。疑悔永已盡。安住實智中。此正其領。五佛開顯之旨。以結三喜也。初頌結竟。

癸二頌成

我定當作佛。爲天人所敬。轉無上法輪。教化諸菩薩。但頌得佛法分一句。則三喜並成。若欲分別者。天

人所敬。卽身成轉無上輪。卽口成教化菩薩。卽意成也。二身子領解竟。

(乙)三如來述成三。初昔曾教大。二中忘取小。三還爲說大。

(庚)初昔曾教大。述其昔來蒙佛教之

解不謬。

爾時佛告舍利弗。吾今於天人沙門婆羅門等大眾中說。我昔曾於二萬億佛所爲無上道故。常教化汝。汝亦長夜隨我受學。我以方便引導汝故。生我法中。無上道者。十住毗婆沙云。身無上謂相好。初句是果。受

持無上謂自利利他。

身口具足無上謂命見戒。此二句是因。

乘六和智慧無上謂四無礙。不思議無上謂六波

提羅密。此二句是福智解脱無上能壞二障證行無上謂聖

行梵行。天行是所證。病要是果用故。但舉二也。後六句皆是因。

大丈夫受持無上名大慈悲。具足無上名到彼岸。

智無上名一切智。不思議無上名阿羅訥。解脫無

上名大涅槃。行無上名三藐三佛陀。此七皆從果立。

從果立稱。今經明圓通無上道也。長夜者昔雖大化。未

破無明惑。暗心中隨佛受學也。方便引導生我法

中者。一是昔以大化。今生大解。二是權以小引。令

證小果。

明圓政無上真言是文音昔雖大山未
庚二中忘取小。述其感傷疑悔之由

此上音似大山未

舍利弗。我昔教汝志願佛道。汝今悉忘而便自謂已
得滅度。

庚三還爲說大。述其今日得解不虛

此上音似大山未

我今還欲令汝憶念本願所行道故爲諸聲聞說是
大乘經名妙法蓮華。教菩薩法。佛所護念。

三如來述成竟。

庚四與授記。二初長文。二偈頌。夫旣得大解。自知
作佛。何須俟記。記有四意。一昔未記。二乘。故今
須記。二鈍根未悟。以記勉勵之。三令聞者結緣。
四滿其本願也。

庚長文爲十。初時節至十法

住久近。

辛今初

庚長文爲十。初時節至十法

舍利弗。汝於未來世過無量無邊不可思議劫。

問身于上根。初周得悟。卽已開佛知見。登圓初住。
便可立地成佛。同彼龍女。何今授記。尚須過爾許
劫耶。答。應佛成處。須有機緣。此諸聲聞。昔來未曾

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

法華經五

十三

攝取淨佛國土。今蒙記後與物結緣。物機不同。致劫多少。龍女雖畜以乘急故。先習方便。若據權迹。又當別論。爲逗物宜隨機長短耳。

辛二因行
未求世間解。無上士調御丈夫。天人師佛世尊。
具記通別二號。通號已如前釋。別號爲華光者。觀

佛放光說法。華經最先得記。故獲斯名也。又華者福

德。光者智慧。華者緣。因佛性。光者了因佛性。四教皆論福慧。皆論緣了。今唯在圓。又久證妙華光。

明三昧迹示未來成佛。又觀心者。卽空卽中之假

名華。卽假卽中之空名光。卽空卽假之中。名爲如來。發願求生西方。普度羣生。願成佛道。普度人間。

辛四國土生平五常樂難持。願成佛道。普度人間。

國名離垢。其土平正。清淨嚴飾。安隱豐樂。天人熾盛。瑠璃爲地。有八交道。黃金爲繩以界其側。其傍各有七寶行樹。常有華果。

先出土名。次明土相。無高下曰平。無偏表曰正。安隱下。明土受用。瑠璃下。重明勝相。皆是淨行所感。與諸衆生作增上緣。

(辛)五說法

華光如來亦以三乘教化衆生。舍利弗。彼佛出時。雖非惡世。以本願故。說三乘法。

準同釋迦。故云亦以舍利弗下。釋疑也。疑曰。如上所明。佛出五濁。事不獲已。方便說三。今華光佛土。清淨若此。胡亦以三乘化耶。釋曰。以本願故。本願者。據大悲空藏經云。舍利弗。曾於六十劫行菩薩道。因婆羅門乞眼退時。願成佛日。開三乘法也。又極樂國土。彌陀亦以三乘施化。良由悲願深重。攝取帶業往生之人。非藉三乘。不能漸入。大約凡聖同居土中。不論是淨是穢。施三者多純一者少也。又菩薩有二種。一從始學大。二習小入大。論利鈍。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

則似從始直學者利論力用。則是陶汰漸入者強。所以香積菩薩更學雙流。當知直學少諸衆行。例如始從訣。具試衆職。歷階淺深。知物可否。然後登極。乃能垂衣裳而天下治也。

◎六劫名門
〔釋〕眾根粗鄙。愚鈍。目闇三藏。口迷四
其劫名大寶莊嚴。何故名曰大寶莊嚴。其國中以菩
薩爲大寶。故取此以三乘出世難。自以本體為本。而
〔釋〕七衆數正微通不盡。且多貪財。三令華嚴。
彼諸菩薩無量無邊不可思議算數譬喻所不能及。

非佛智力。無能知者。若欲行時。寶華承足。此諸菩薩
非初發意。皆久植德本。於無量百千萬億佛所淨修
梵行。恒爲諸佛之所稱歎。常修佛慧。具大神通。善知
一切諸法之門。質直無僞。志念堅固。如是菩薩充滿
其國。

〔釋〕八壽量

舍利弗。華光佛壽十二小劫。除爲王子未作佛時。其
國人民壽八小劫。

十二小劫。直論其時節耳。淨土無小三災。非謂刀

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

兵疾疫饑饉損傷民物乃名爲劫也然論小劫時分長遠正可約此土一增一減以明其數下皆準知

(辛)九補處

華光如來過十二小劫授堅滿菩薩阿耨多羅三藐三菩提記告諸比丘是堅滿菩薩次當作佛號曰華足安行多陀阿伽度阿羅訶三藐三佛陀其佛國土亦復如是

志念堅固善知一切法門故名堅滿若欲行時寶

華承足故名華足安行華光如來以三乘化而其菩薩殊勝國土莊嚴若此奈何世人藐斥三乘徒誇一實寧知權實不二之體寧知開權顯實之宗

(辛)十法住久近

舍利弗是華光佛滅度之後正法住世三十二小劫像法住世亦三十二小劫

合初長文竟

庚二偈頌二初頌長文二結歎

(辛)初中八初超

頌得果至八頌法住久近略不頌補處也

(壬)

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

今初

法華經疏

十一

爾時世尊欲重宣此義而說偈言
舍利弗來世成佛普智尊號名曰華光當度無量衆

⑤二追頌行因

供養無數佛具足菩薩行十力等功德證於無上道

⑥三頌時節并劫名

過無量劫已劫名大寶嚴

⑦四頌國土

世界名離垢清淨無瑕穢以珊瑚爲地金繩界其道

七寶雜色樹常有華果實

⑧五頌衆數

彼國諸菩薩志念常堅固神通波羅密皆已悉具足
於無數佛所善學菩薩道

⑨六頌說法

如是等大士華光佛所化

⑩七頌壽量

佛爲王子時棄國捨世榮於最末後身出家成佛道
華光佛住世壽十二小劫其國人民衆壽命八小劫

壬八頌法住久近

佛滅度之後。正法住於世三十二小劫。廣度諸衆生。正法滅盡已。像法三十二。舍利廣流布。天人普供養。正法住時。有教有行有果。與佛在世不異。故云廣度衆生。像法轉時。有教有行。而果證則希。但以舍利普作佛事故。名像法也。初頌長文竟。

辛二結歎

華光佛所爲。其事皆如是。其兩足聖尊最勝無倫匹。彼即是汝身。宜應自欣慶。

四與授記竟

己五四衆歡喜二初長文二偈頌

庚初中三初

經家叙衆喜。二陳供養。三正領解。

辛今初

爾時四部衆比丘比丘尼優婆塞優婆夷。天龍夜叉乾闥婆阿修羅迦樓羅緊那羅摩訥羅伽等大衆見舍利弗於佛前受阿耨多羅三藐三菩提記。心大歡喜踊躍無量。

辛二陳供養

各各脫身所著上衣以供養佛。釋提桓因。梵天王等。

與無數天子亦以天妙衣天曼陀羅華摩訶曼陀羅華等供養於佛所散天衣在虛空中而自廻轉諸天伎樂百千萬種於虛空中一時俱作雨衆天華

上衣卽貴服此中通語四衆八部若就比丘比丘尼言則是僧伽梨大衣也西國比丘受但三衣法者爲多三衣並不可捨云何脫以供佛例如大品經中三百比丘聞般若已皆以僧伽梨而用供養智度論釋或云亡相爲法或云當日更得也若約表法則袈裟壞色本是聲聞證真之道今脫以供

佛表其捨小乘法執趣無上菩提也又天衣表寂滅法忍天華表大乘妙慧天樂表常樂解脫住虛空中而自廻轉者表因果依正自他悉依法性自然而轉

三正領解

而作是言佛昔於波羅奈初轉法輪今乃復轉無上最大法輪

先領昔施權次領今顯實也純明圓理故言無上不同兼但對帶之有上也絕待無外故名最大能

開兼但對帶中之若大若小俱成一大也初長文竟

(庚)二偈頌二初頌開權顯一實二自述得解隨喜
迴向 (辛)今初

爾時諸天子欲重宣此義而說偈言

昔於波羅奈轉四諦法輪分別說諸法五衆之生滅
今復轉最妙無上大法輪是法甚深奧少有能信者
五衆卽五陰陰是苦諦由集故生生必尋滅生滅
旣滅名爲滅諦能滅苦集名爲道諦餘可知

(辛)二自述得解隨喜迴向

我等從昔來數聞世尊說未曾聞如是深妙之上法
世尊說是法我等皆隨喜大智舍利弗今得受尊記
我等亦如是必當得作佛於一切世間最尊無有上
佛道叵思議方便隨宜說我所有福業今世若過世
及見佛功德盡迴向佛道

初四句述解次十句隨喜後四句迴向也我等亦
如是者如身子之領解如身子之被述成如身子
之得記也問迦葉善吉諸大聲聞尚未得解四衆

何人而先獲悟。答。四衆天人亦具三根。上同身子。中同四人下同五百等也。又身于迦葉等並是權行。中下未開。故迦葉滿慈示同不解。淨名云。衆生未愈。菩薩亦未愈。云初法說周竟

(戊)二譬說周爲四。初此品文。正譬開三顯一。二信解品明中根領解。三藥草喻品是如來述成四授記品是與受決。(己)初中二。初請。二答。(庚)今初

爾時舍利弗白佛言。世尊我今無復疑惑。親於佛前

得受阿耨多羅三藐三菩提記。是諸千二百心自在者。昔住學地。佛常教化言。我法能離生老病死。究竟涅槃。是學無學人。亦各自以離我見及有無見等。謂得涅槃。而今於世尊前聞所未聞。皆墮疑惑。善哉世尊。願爲四衆說其因緣。令離疑惑。

此中初自述無疑。次是諸下。是述同輩有惑。三善哉下。是普爲四衆請說。同輩是同行懷舊故須爲。請四衆是化境。新運大悲。故普爲請也。聞所未聞者。指前法說乃至述成授記。與昔所秉之教所得。

1 2 3 4 5 6 7 8 9 10

1 2 3 4 5 6 7 8 9 10

之證不同也。因緣者何故前說三。今說一。須申明其所以然也。問。凡夫亦有一聽便悟。今千二百人。已聞略廣開顯及聞身子領述得記。龍鬼尚能引例隨喜。何故猶迷。答。有二義。一者久執。二者入位解卽破執。執破入住。凡夫無此。或當易領。

(庚)二答爲三。初發起。二正譬說。三勸信流通

今初

爾時佛告舍利弗。我先不言諸佛世尊以種種因緣譬喻言辭方便說法。皆爲阿耨多羅三藐三菩提耶。

是諸所說皆爲化菩薩故。然舍利弗。今當復以譬喻更明此義。諸有智者。以譬喻得解。

文中先抑後引。我先不言下。指上明權。皆爲阿耨句。指上顯實。皆爲化菩薩者。若權若實。皆入佛道。無住涅槃。上已明言云。何執教迷闇不解。如此呵責。是抑令憤勇也。然舍利弗下。是引接安慰。令其速進前斤既切。恐鄙懃自沉。今許以譬說。若能解者。猶稱智也。

(辛)二正譬說二。初長文。二重頌。三初中二。初立

譬。二法合。然譬與合互有廣略。若譬略合廣先攝。合文來對譬竟至合更須委悉消之。若譬廣合略世尊豈可徒施悠言。須委消譬。合但略對。
卷五初又二。初總譬。二別譬。下子初又六。初長者
 譬。二舍宅譬。三一門譬。四五百人譬。五火起譬。
 六三十子譬。下丑初長者譬。譬我釋迦人所
 舍利弗。若國邑聚落。有大長者。其年衰邁財富無量。
 多有田宅及諸僮僕。

國邑聚落句。彰其名行。有大長者句。正標位號。其

年衰邁等。明其德業也。名如賓。行如主。行有親疎
實行親權。行疎名有遠近。故舉處所以顯名行。封疆爲國
 最遠。宰治爲邑居中。聚落是鄰間最近。長者名行
 徧。此三處近不見其細陋。遠但挹其高風。口無擇
 言。身無擇行意。無擇法。名行相稱。真實大人。以譬
 如來三業。隨智慧行。稱機施化。名稱普聞。德周法
 界。國譬實報土。邑譬方便土。聚落譬同居土。從寂
 光本垂三土迹。攝三土迹歸寂光本。名行相稱。洋
 溢周徧也。世間長者須備十德。一姓貴。或帝皇之

喬或貂挿之家。二位高輔弼阿衡。三大富金穀豐
饒四威猛尊嚴隆重不肅而成。五智深胸如武庫
權奇超拔。六年耆蒼蒼稜稜物儀所伏。七行淨白
圭無點。八禮備周旋中節。九上歎一人所敬。十下
歸四海所宗。具此十德名大長者。以譬如來出世
長者從三世真如實際中生。一姓貴也。功成道著
十號無極。二位高也。法財萬德悉皆具滿。三大富
也。十力雄猛降魔制外。四威猛也。一心三智無不通
達五智深也。早成正覺久遠若斯。六年耆也。三

業隨智運動無失。七行淨也。具佛威儀心如大海
八禮備也。十方大覺所共稱譽。九上歎也。七種方
便而來依止。十下歸也。四教果佛皆就當教各論
十德圓教初住亦得分證圓家觀心者。觀心之智從實相出。生在佛家種性
真正卽姓貴也。三惑不起雖未發真已是著如來
衣。稱寂滅忍卽位高也。三諦含藏一切功德。卽大
富也。正觀之慧降伏愛見卽威猛也。中道雙照權
實並明。卽智深也。久積善根能修此觀。此觀出於
七方便上。卽年耆也。此觀觀於心性名爲上定。能

令三業無過。卽行淨也。歷緣對境威儀無失。卽禮備也。能如此觀。是爲深信解相。諸佛皆歡喜歎美持法者。卽上歎也。天龍四部恭敬供養。卽下歸也。下文云。佛子住此地。卽是佛受用。是爲觀心長者。此之十德不出境。智行三雖未入位。如王子胎故名觀行。如來十德。若對出世還隨其教觀別果。別準教望觀。因果自分。卽以三觀對于四教。具覽德相。以歎于觀使後學者修因具足。以觀十德成果。十德以能一心具照三法。卽是觀心十德具足。故引佛子等文以爲觀心之證。又此十德卽十法。成乘次第合之。甚有深致。何者。實相卽是不思議境緣理。起誓故名住忍。由心安理。稱理舍藏除三諦惑。得破偏名中道雙照無塞不通。無作道品過七方。便助使三業于理無過。對境無失。由依真位。信

解既深故能安忍不生法愛。方感下供。三教十法展轉釋出。令成今經觀心十法。如此十觀不但橫在觀行位中。初心至後十觀具足。故此十德義復豎深。復與橫豎十乘泯合。明德業中。

德有内外。內則智略。外則貲財。年高則博達古今。

譬佛智德。衰邁則根志純熟。譬佛斷德。財富譬外德。無量總譬萬德也。田能養命。別譬禪定資于般若。宅可棲身。別譬實境爲智所托。如十八空門等。若論福德無行而不修。若論智慧無境而不照。故云多有田宅也。僮僕者。給侍使人。譬方便知見。皆已具足。和光六道曲順羣機。卽實智之僮僕也。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

(五)二舍宅譬。譬上安隱對不安隱。不安隱卽是三界。

其家廣大。衆生役役皆宅三界。如來應化統而家之。故言廣大。

(五)三門譬。譬上以種種法門宣示於佛道。

唯有三門。

文云。以佛教門出三界苦得涅槃證。當知理爲教所詮。今取詮理之教爲門。理旣是一。教不容二。故

且云一也。又有宅門車門。宅者生死也。門者出生死之路也。此方便教之詮也。車者大乘法也。門者圓教之詮也。若宅門卽車門。出火宅時卽應得于大車。何須待索。若宅門非車門。正索車時。祇是從火宅出寧有別路。又復得宅門已未得車門。住在何處。當知斥則車宅永殊。開則二門不異。宅與車一。車門何殊。是故三乘具有二義。承教出宅。不見小車。中間已經二味調熟。乃從父索先所許車。旣索須與。開彼小門。無非大教。門下小理。終無別途。

絕理無二。粗妙體一。法住法位。世間相當。三界尚如。何別之有。若不先異。何所論同。沒苦之人。于今咸會。

(丑)四五百人譬。譬上衆生。卽五道也。

多諸人衆。一百。二百乃至五百人。止住其中。一百卽天。二百卽人。乃至五百卽三惡趣。不言修羅者。修羅或攝入鬼趣。或四趣所攝。如大佛頂經。

(互)五火起譬。譬上安隱法對不安隱法。不安隱法謂五濁也。文又爲二。初出所燒之宅相譬六道。

果報次明能燒之火譬八苦五濁

計寅今初

堂閣朽故牆壁墮落。柱根腐敗。梁棟傾危。

堂譬欲界。閣譬色無色界。朽譬三界弊惡無常。故譬三界非今所造。牆壁譬四大。墮落譬減損。柱根譬命。腐敗譬危殆。不久梁棟譬意識。傾危譬遷變。不停無色。雖無粗四大色。約定果色亦是牆壁。三界皆以意識維持。但約三界正報因果。釋之使攝依報。不須依正合喻。依報止是第八識相分之少分耳。又如成壞各二十中已無有情。如何釋濁燒。

義稍隔故不用之。又約觀解者。堂譬身之下分閣
譬頭等上分。牆壁譬皮肉。墮落譬老朽。柱根譬兩
足腐敗。譬衰頹。梁棟譬脊骨。傾危譬大期也。

(宣)次明能燒之火

周布俱時歎然火起焚燒舍宅

八苦徧在四大四生故言周布。並皆無常故云俱
時歎然。譬本無今有。本無此苦無明故有。五火起
譬竟

(五)六三十子譬。譬上知衆生性欲。卽指三乘行人。

長者諸子。若十二十或至三十。在此宅中

曾習佛法。天性相關。自此已結緣者爲子。若十是
菩薩子。二十三十是二乘子。此機俱得出宅。若無
此機則是五百人也。或者辟支出沒不同。或小乘
攝。或中乘攝。皆言十者。悉有十智之性故也。一世智。二世他心智。三苦智。四集智。五滅智。六道智。七法智。八比智。九盡智。十無生智。初總譬竟。

(子)二別譬四。初長者見火譬。二捨几用車譬。三等

賜大車譬。四無虛妄譬

(五)

初長者見火譬。譬

0123456789

0123456789

長者見是大火從四面起卽大驚怖而作是念我雖能於此所燒之門安隱得出而諸子等於火宅內樂著嬉戲不覺不知不驚不怖火來逼身苦痛切已心不厭患無求出意

此中其文有四其意但三一長者見標出能見譬上我以佛眼觀見也二是大火從四面起標出所見譬上所見六道衆生也三卽大驚怖譬上爲是衆生故而起大悲心也四而諸子等下廣前第二所見之火還是釋成驚怖義也身受心法卽宅之所見

四面從此四面起淨樂常我四倒則八苦皆集若知身不淨苦無常無我受等亦爾則煩惱火滅業苦並熄卽大驚怖者念其退大善故驚憂其將起重惡故怖驚卽是慈念其無樂怖卽是悲憂其有苦我雖能於此所燒之門安隱得出者釋成驚怖之義雖是未盡之辭明佛以智慧力能尋正教見所詮諦不爲五濁八苦所危故安四倒暴風所不能動故隱蕭然累外故云得出而衆生不爾爲火所燒如來慈悲猶爲憂火所熾故言雖也所燒之

60 1 2 3 4 5 6 7 8 9 10

1 2 3 4 5 6 7 8 9 10

門者門必有件有空。非件無以標門。非空無以通致。件可灰燼。空不可燒。以譬教有能詮。所詮若非詮。辯無以爲教。若非所詮。何以得出。詮辯可是無常。所詮非復無常。得教所詮。故名安隱得出。能詮磨滅。故言所燒之門。不從所燒之門。何由安隱得出。藉于言教。契于所詮。大經云。因無常故。而是常。此之謂也。若小乘無常教門。是從所燒門出。若大乘常住教門。文字卽解脫者。此教卽理。體達燒卽無燒。而安隱得出。若就如來權智。卽是從所燒

門出。若就實智。卽是體于所燒安隱得出。故先作衣祇。几案出之不得。後以無常出之。卽此意也。樂著嬉戲者。著見名嬉。著愛名戲。又耽湎四見名嬉。唐喪其功名。戲耽湎五塵名嬉。空無所獲名戲。空生徒死。而無厭離。如彼兒戲。都不言有火。名不覺。不解火。是熱法。名不知。旣不知火熱。不慮傷身。名不驚。不畏斷命。名不怖。以譬衆生全不覺。五陰八苦。不知四倒三毒。旣不識惑。云何畏慮惑侵法身。斷失慧命。如是不覺苦。不知集。不驚傷道。不怖失。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

滅以不聞四諦教則無聞思二慧名不覺不得修慧名不知不得見解名不驚不得思惟解名不怖見諦卽驚悟思惟卽厭怖又不覺現在苦不知未來苦故下文云現受衆苦後受地獄等苦也火來逼身者五識身也五識通三受三受卽三苦念念與三受相應故云苦痛切已心不厭患者第六識也同時意識與五識俱唯知分別三受起貪恚癡更立苦因何能厭患求出故云無求出意也嬉戲譬見濁煩惱濁不覺不知不驚不怖譬衆生濁火

來逼身苦痛切已譬命濁心不厭患無求出意譬劫濁

(廿)二捨几用車譬譬上施方便化爲二初捨几譬

二用車譬

(寅)初捨几譬譬上念用大乘擬不得也又二初勸門擬宜不得二誠門擬宜不得

上文不分勸誠兩門但總明三意一用大擬宜二衆生無機三念欲息化今兩門各明擬宜無機而息化一意但是暗合也

(卯)初勸門擬宜不得

舍利弗是長者作是思惟。我身手有力。當以衣祇若以几案從舍出之。復更思惟。是舍惟有一門。而復陁小諸子幼稚。未有所識。戀著戲處。或當墮落爲火所燒。

作是思惟。譬上三七思惟也。身譬神通荷負。手譬智慧提拔。依三昧斷德則有神通。依智慧智德則有說法。智斷之力能成法身。此之智斷還從勸誠兩門入。勸卽爲人悉檀。誠卽對治悉檀。此二悉檀爲第一義。悉檀而作方便。如來初欲勸門擬宜令。

衆善奉行。成就十力四無所畏。一切種智。而衆生不堪。次欲誠門擬宜令。諸惡莫作。證大涅槃。而亦不堪。無機息化。故知念用大乘。祇是勸誠兩悉檀。神通智慧耳。定慧力莊嚴。以此度衆生。卽其義也。前歎長者。其年衰邁。節譬智斷。智斷卽身手有力也。衣祇是西國盛花之器。以譬如來知見。凡譬四無所畏。案譬十力。蓋略中廣之異耳。略說名如來知見。知卽一切種智見。卽佛眼。名略義玄。譬如衣祇。一足而多含。處中說名四無所畏。用對四諦。如

凡于法小廣。于物小安隱。廣說名十力。橫豎該括如案多足。於法則廣。物則大安。于三七日。思欲說此廣略佛法。是爲勸門擬宜也。復更思惟下。是明無機。惟有一門而復陿小者門。指大乘車門。釋此有別有通。別者分字別釋。一謂一理。一道清淨門。謂正教通于所通。小謂斷常七方便等皆不能入。若論教理寬博。則非陿小。衆生不能以此理教自通。欲談無機。故言陿小耳。通者。理教行三。一一通明一門陿小理者。理純無雜。故言一。卽理能通故

言門。微妙難知。故言陿小。教者。十方諦求。更無餘乘。唯一佛乘。故言一。此教能通。故言門。此教微妙。凡夫不知出處。是不知權。不知入處。是不知實。二乘因聞少。知出要。永不知入。菩薩雖自知出。亦不知入。奪七方便。皆不知出入。故云。若但讚佛乘。衆生沒在苦。不能以教自通。將談無機。故言陿小。行者圓因自行。行大直道。無留難故。故名一。善行菩薩道。直至道場。故名門。妙行難行。方便無機。故言陿小耳。諸子幼稚等者。雖于二萬佛所。教無上道。

而大乘善根微弱。名爲幼稚。若聞大乘。能生謗毀。名未有所識。此善弱也。初退大時。淡著見愛。受八苦時。淡著依正。欲界著五塵。色界著味禪。無色界著定。故名戀著戲處。此惡強也。墮落有二。一者幼稚。憶本戲處。故墮落。譬著五欲。墮在三塗。二者無識。執物不堅。故墮落。譬謗大乘。墮在三塗。故曰。衆生諸根鈍。著樂癡所盲。云何而可度。又云。若但讚佛乘。破法不信。故墮於三惡道也。勸旣無機。義合息化。

卯二誠門擬宜不得

我當爲說怖畏之事。此舍已燒。宜時疾出。無令爲火之所燒害。作是念已。如所思惟。具告諸子。汝等速出。父雖憐愍。善言誘諭。而諸子等。樂著嬉戲。不肯信受。不驚不畏。了無出心。亦復不知何者是火。何者爲舍。云何爲失。但東西走戲。視父而已。

對治之相。如大品中說。四念處是摩訶衍。以不可得。故異于小乘也。旣著戲處。故說怖事。令得免離。言五陰舍已被五濁火燒。宜急捨離。若久住著必

60

1 2 3 4 5 6 7 8 9 10

80

1 2 3 4 5 6 7 8 9 10

斷善根。故言無令爲火之所燒害。此擬宜也。父雖憐愍下。是明無機。不驚不畏。如上釋。不識八苦五濁能燒善根。如不知火。不識陰界入法。是諸苦器。如不知舍。不知喪失法身之由。如不知何者爲失。背明向暗。生死往還。如東西馳走。復起見愛如戲也。不從大教。故言視父而已。誠又無機。義含息化。初捨几譬竟。

(寅)二用車譬。譬上念同諸佛。用三乘稱宜可得。爲四。初擬宜三車譬。二知子先心所好譬。三歎三

車希有譬。四適子所願譬。卯初擬宜三車譬。

譬上尋念過去佛亦作三乘化也。

爾時長者卽作是念。此舍已爲大火所燒。我及諸子若不時出。必爲所焚。我今當設方便。令諸子等得免斯害。

大乘化功爲父命。衆生大善爲子命。大善若盡。卽子命斷。子命斷則化功亦廢。卽父命斷。故云若不時出。必爲所焚也。上文能於所燒之門。安隱得出。今何以云。若不時出。必爲所焚。前得出者。卽是法

身出今言若不時出。即是應身同疾。若衆生有善

則與應身同出。若衆生善斷。不與應身時出。即是

俱爲所焚。蓋欲以應身擬宜令其時出也。我今當

設方便。即是擬欲施權。
卯二知子先心所好。譬上作是思惟時十方佛
皆現等。

父知諸子先心各有所好。種種珍玩奇異之物。情必
樂著。

昔曾習小是其先心。性欲不同。是各有所好。又衆

生昔曾習大。大習未濃。是爲大弱。欣慕涅槃。是爲
小強。如身子六心中退。知本習太。名知先心。知其
退慕涅槃。名知各有所好。

卯三歎三車希有譬。譬上思惟是事已。卽趣波羅
奈等。

而告之言。汝等所可玩好。希有難得。汝若不取後必
憂悔。如此種種羊車鹿車牛車。今在門外。可以遊戲。
汝等於此火宅宜速出來。隨汝所欲。皆當與汝。

汝等所可下。以譬勸轉。如此種種下。以譬示轉。隨

汝所欲皆當與汝以譬證轉。或問。車三使二。城一。
 城有車無。俱譬方便。何以不同答。凡立譬者。各從
 一義不可執一而疑異途故一二三。但是離合爲
 對三周信解等異。是故別耳。皆譬方便。其義不殊。
 車則通舉方便。故三使則從難別對。故二。城是二
 三之處故一。當知城亦從人故二。故云息處說二。
 車亦從難但二使亦義兼菩薩。此三俱有人理教
 行。城若說化故亦無。車依造作故還有。便約權同
 故亦有權乃非實故亦無權實相對。俱通四句。從

權化故俱有。從實義故俱無。俱通權實故有無。同
 約一理故雙廢。

卯四適子所願譬。譬上受行悟入。是名轉法輪等
 爾時諸子聞父所說珍玩之物。適其願故。心各勇鏡
 互相推排競共馳走。爭出火宅。

前偈本略。今譬事廣。廣明修因至果之相。言適其
 願者機教相稱。卽聞慧也。處 念勇鏡者。即是思慧。
 思心動慮。正勤方便也。勤 正互相推排者。推四真
 理。排伏見惑。歷觀上下八諦。三十二行。名爲互相。

此入修慧屬煖頂位也。競者爭取勝理。是忍法位縮觀趣苦法忍也。共者是世第一位。同觀苦諦下四隨一行與苦法忍不別也。馳走者入見道位十六心速疾見理。譬上便有涅槃音見道則分得涅槃也。爭出者思惟道也。爭出三界成無學果。斷思惑盡方出火宅。卽譬上偈及以阿羅漢法僧差別名也。觀心釋者中道正觀直觀實相。心法相稱各適其願。境無邊故觀亦無邊名勇境研心利名鏡心境相研名互相推排心王心數緣境速疾名

競共馳走徧歷一切陰界入等無非實相名出火宅。約教則有四教修因至果之相今且在藏約觀亦有四教差別今唯在圓二捨几用車譬竟

(丑)三等賜大車譬。譬上顯實爲四初父見諸子免難歡喜譬。二諸子索車譬。三等賜諸子大車譬。四諸子得車歡喜譬。前偈本中先機發後佛喜。不今先佛喜後索車文有先後義無先後也。寅初父見諸子免難歡喜譬。譬上今我喜無畏是時長者見諸子等安隱得出皆於四衢道中露地

而坐。無復障礙。其心泰然歡喜踊躍。

四衢道譬四諦觀。露地譬三界思盡。坐者譬在果不進也。子果縛盡。故無復障礙。生安隱想故其心泰然。子旣免難。父則歡喜。

(寅)二諸子索車譬。譬上大乘機發。咸以恭敬心皆來至佛所也。

時諸子等各白父言。父先所許玩好之具。羊車鹿車牛車。願時賜與。

三車以譬三乘果位。爲求三乘果。所以出三界。既

出三界已實無三乘果證可得。而又方等彈訶。般若淘汰。今經彰言方便非實。所以殷勤三請。名爲索車。指昔所許三權。正是請今一實。故名大乘機發也。須知在方等時。屢被挫折。不知所云。便有機索。至般若時。轉教付財。但自未知得與不得。便有情索。今法華會發言三請。更加口索也。

(寅)三等賜諸子大車譬。譬上正明顯實。正直捨方便。但說無上道也。又爲三初標章。二釋車等三

舍利弗。爾時長者各賜諸子等一大車。

各賜諸子者。以子等故。心必等也。譬一切衆生皆有佛性。佛性既同。等是佛子。佛心無偏也。等一大車者。以法等故。無非佛法。譬一切法皆摩訶衍也。但點所習。無非妙乘。祇由性同。賜義則等。謂各隨本習四諦。因緣六度。四等乃至色心逆順。依正行理。因果自他解惑。大小福慧無量。諸法各于舊習開示真實。舊習不同。故言各皆摩訶衍。一攝一切偏具偏入。故言大車。

卯二釋車等又二。初正明車體。二釋有車之由。

辰今初

其車高廣。衆寶莊校。周帀欄楯。四面懸鈴。又於其上張設幘蓋。亦以珍奇雜寶而嚴飾之。寶繩交絡。垂諸華纓。重敷婉筵。安置丹枕。駕以白牛。膚色充潔。形體姝好。有大筋力。行步平正。其疾如風。又多僕從而侍衛之。

假名車。有高廣相。譬如來知見。深遠橫周。法界邊

際。豎徹三諦源底也。法界三諦並非橫豎。雖無橫豎。法界從偏言。橫則便。三諦

名異。言暨則便。不二互顯。思之可見。衆寶莊校譬萬行修飾也。周市欄楯譬陀羅尼能持萬善遮衆惡也。四面懸鈴譬四無礙辯。下化衆生也。張設帳蓋譬四無量心。不可思議梵行也。衆德之中慈悲最高。普覆一切。亦以珍奇雜寶而嚴飾之。譬真實萬善嚴此慈悲故。大經云。慈若具足十力無畏等名如來慈也。寶繩交絡譬四弘誓願堅固大慈心也。垂諸華纓譬四攝神通等。悅動衆生亦譬七覺妙變也。重敷婉筵譬觀練熏修一切諸禪。重沓柔軟也。安置丹枕者。丹

卽赤光譬無分別法。枕有內外。若車外枕亦名爲軫。隨所到處須此支昂。譬卽動而靜。卽靜而動。若車內枕。休息身首。譬一行三昧息。一切行身智首也。駕以白牛者。譬無漏般若能導諦緣度等。一切萬行到薩婆若。白是色本。卽與本淨無漏相應。體具萬德。如膚充煩惱不染。如色潔。又圓四念處爲白牛。四正勤。二世善滿如膚充。二世惡盡如色潔。四如意足稱行者。心如形體殊好。筋譬五根住立能生。力譬五力摧伏幹用。行步平正。譬定慧均等。

又譬七覺調平。其疾如風。譬八正道中行。速疾到薩婆若也。僕從譬方便波羅密。能屈曲隨人給侍使令。魔外二乘皆隨方便智用。故淨名云。皆吾侍者。又果地神通運役。隨意名爲僕從。觀心釋者。現前一念心性。豎無初後。橫絕邊涯。卽空卽假。卽中故高。具足百界千如。故廣。性德過于恒河沙數。故名衆寶莊校。心外無法。舉心則攝一切世出世法。故名周布欄楯。心能普應一切。演諸音教。故名四面懸鈴。心爲諸法中最無法。不覆故名張設幙。蓋

心王作觀。則有諸善心所與之相應。故名亦以珍奇雜寶而嚴飾之。善心心數互作等無間緣。故名寶繩交絡。善心心所出生無量智慧福德。故名垂諸華縷。祇此一念心性。具足柔軟輕安之法。重重無盡。故名重敷婉筵。觀此心性。卽動卽靜。能靜能動。動靜不二。故名安置丹枕。心性之理由妙觀顯。故名駕以白牛。稱性妙觀。具諸功德。故名膚充。不雜煩惱。故名色潔圓融自在。故名形體姝好。圓觀最能生長善根。故有大筋。圓觀最能摧伏界內界。

外一切愛見故有大力。圓觀卽止卽觀定慧不二。故名行步平正。圓觀稱性無作。住運入于無功用道。故名其疾如風。圓觀普攝諸法。一切諸法皆任圓觀之所使令。故名又多僕從而侍衛之。當知車體非高非廣而論高廣卽正因理性也。白牛卽了因慧性。衆具卽緣因善性。三法不縱橫不並別。不可思議名爲佛乘。一切衆生但有性德佛乘。聞此佛乘能生信解。則爲名字佛乘。念念觀心靡間靡雜。則爲觀行佛乘。粗垢先落。六根清淨。則爲相似佛乘。開示悟入遊于四方。則爲分證佛乘。直至道場。衆行都息。則爲究竟佛乘。自行已滿。運他不休。窮未來時利樂無盡。是爲觀心大白牛車也。又此一文。具足十乘觀法。其車高廣。卽不思議境。圓攝具度白牛而爲其體。張設幘蓋。卽真正發菩提心。以大慈故。徧與十界道滅之樂。以大悲故。徧拔十界苦集之苦也。安內丹枕。卽巧安止觀。可坐可卧。善自調適也。其疾如風。卽徧破諸法。一心三觀。無惑不破也。安外丹枕。卽善識通塞。可行則行。可止。

1 2 3 4 5 6 7 8 9 10

則止也。駕以白牛。卽道品調適。圓妙三十七品。如前說。僕從侍衛。卽對治助開。用前三教種種方便。助顯第一義也。旣云行步平正。必遊四方而至道場。終不以凡濫聖。卽是能知次位。旣云有大筋力。必能安忍內外順逆諸障。旣云其疾如風。必不染著似道法愛也。上根但觀不思議境於一法中。圓悟十法。中根從二至六。隨何法中圓悟十法。下根展轉具用十法。方得開悟。一家教觀。莫此爲要。思之修之。又其事高廣。卽如是體。種種具度。卽如是。

相。白牛。卽如是性。是爲性德三法。生佛平等。若研此三法。至五品十信。名如是力。如是作。若至開示悟入。名如是因。如是緣。若至妙覺極位。名如是果。如是報。衆生性具三法。名之爲本。如來修得三法。名之爲末。性德修得無二無別。名究竟等。是則大白牛車。人人自有。何關佛賜。然非佛說。則日用不知。又非法華開顯。則謂獨一大乘。迥超九界。誰知三乘權行。乃至世間。依正色心。惑業苦等。一一無非摩訶衍哉。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

辰二釋有車之由

所以者何。是大長者。財富無量。種種諸藏。悉皆充溢。由財富藏溢故能各賜諸子等一大車也。財富無量。譬果地福慧圓滿。種種諸藏。謂行藏。理藏。一切法趣檀。是趣不過戒忍等亦如是。是約行爲如來藏也。一切法趣色是趣不過受想行識乃至界入等亦如是。是約理明如來藏也。自行此行理名充化他名溢。實智滿名充。權智用名溢。入中道名充雙照故名溢。非但藏多。又皆充溢。有何一法非摩

訶衍。故大乘無量也。

陰界入等隨拈一法無非理

行藏不達理藏達此理。故使諸度咸成

藏。諸行徒修二釋車等竟

(卯)三釋心等

而作是念。我財物無極。不應以下劣小車與諸子等。今此幼童皆是吾子。愛無偏黨。我有如是七寶大車。其數無量。應當等心。各各與之。不宜差別。所以者何。以我此物周給一國。猶尚不匱。何況諸子。假使富而非子。或應有客。假使是子而貧。或不能給。今自行旣滿。故財富無量。化緣已熟。故是子無

偏言各各與之者不移本習而示真實。如身子于智慧開佛知見。具一切佛法。目連于神通開佛知見。具一切佛法。餘可例知。又阿含方等般若等一切教念處正勤根力覺道等一切行種種異名皆開示實相。乃至歷一切法亦如是。故言其數無量也。所以者何下。舉况釋成一國譬寂光理性土也。諸子。譬同居結緣人也。初釋財多尚周一國。况復諸子。譬大圓因普該善惡。偏益法界理亦不窮。况同居土結緣人耶。次釋子等。非子尚充尙况是子。

譬佛無緣者尚度。况有緣耶。言非子者。且貶正因不同緣了。故抑言非。然而佛慈普蔭。畢竟無偏。况結緣子。故約無緣大慈對本有理。則一切衆生無非佛子。寄化儀說。且以宿世未結緣者而爲非子。如來常給子自不歸。大慈通覆。故云周給。人天善惡體卽法界。故父果車。卽子理車。但開其情。假名等賜。衆生無盡。車亦不窮。不窮故不匱。不匱故無偏。偏望迷爲閉悟。本非開無緣。尚度者。緣了之子。是先結緣者而熟脫之。正因之子。是未結緣者爲其

0 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

下種也。番番種。番番熟。番番脫。盡未來際。無有已時。是名出世長者大慈悲父。三等賜諸子大車譬竟。

(寅)四諸子得車歡喜譬。譬上受行悟入。疑網皆已除等。

是時諸子各乘大車。得未曾有。非本所望。而欲共之。本求羊鹿水牛。期出分段。今得白牛。盡於變易。過本所望。豈不歡喜。三等賜大車譬竟。

(丑)四無虛妄譬。譬上不虛令。勿疑法王秘要法也。

又三初問。二答。三述歎。(寅)今初。

舍利弗。於汝意云何。是長者等與諸子珍寶大車。寧有虛妄不。

(寅)二答。

舍利弗言。不也世尊。是長者但令諸子得免火難。全其軀命。便非爲虛妄。何以故。若全身命。便爲已得玩好之具。况復方便於彼火宅而拔濟之。

世間玩好孰有重于身命者。得全身命。便非虛妄。况費種種方便。乃得拔濟。豈可以虛妄責長者耶。

意顯但令得全小乘五分法身。入空慧命。便爲已得。昔來玩好。况方便拔濟。乃令得大乘法身慧命耶。是爲免難不虛。亦名以重奪輕不虛也。

世尊若是長者乃至不與最小一車。猶不虛妄。何以故。是長者先作是意。我以方便令子得出。所以假說三車。以是因緣無虛妄也。何況長者自知財富無量。欲饒益諸子等。與大車。

在長者是不乖本心。故不虛。在諸子是過本所望。故不虛也。

(寅)三述歎

佛告舍利弗。善哉善哉。如汝所言。

重言善哉。述其二不虛也。問。佛何不自說不虛。答。

佛許三與一。自說爲難。身子說不虛。取信爲易也。初立譬竟。

(癸)二法合二。初合總譬。二合別譬。(子)初中二。初

合長者等三譬。二合三十子等三譬。與前立譬文不次第。義則無缺。(丑)今初具太數。皆該大舍利弗。如來亦復如是。則爲一切世間之父。於諸怖

畏衰惱憂患無明闇蔽。永盡無餘。而悉成就無量知見力。無所畏。有大神力及智慧力。具足方便智慧波羅蜜。大慈大悲。常無懈倦。恒求善事。利益一切。而生三界朽故火宅。

如來合長者譬。利益一切。一切卽合五百人譬。而生三界朽故火宅合舍宅譬也。則爲一切世間之父通指同居方便實報三土合上國邑聚落。於諸怖畏乃至永盡無餘顯佛斷德而悉成就無量知見顯佛智德。合上其年衰邁之內德也。力無所畏。

合上外德財富無量也有大神力者。深修禪定所得。合上多田。及智慧力者。智必照境。如身托處。合上多宅。具足方便。合上多諸僕從。大慈大悲等。合上多諸人衆。乃至五百人以慈悲故。所被則多也。三界卽是其家廣大。

(五)二合三十子等三譬

爲度衆生生老病死憂悲苦惱愚癡闇蔽三毒之火。教化令得阿耨多羅三藐三菩提。

爲度衆生。指有緣者合三十子譬也。生老病死乃

至三毒之火。合火起譬也。教化令得菩提。合唯有
一門譬也。初合總譬竟。

④二合別譬四。初合見火譬。二合捨几用車譬。三
合等賜大車譬。四合無虛妄譬。⑤今初

見諸衆生爲生老病死憂悲苦惱之所燒煮。亦以五
欲財利故受種種苦。又以貪著追求故現受衆苦。後
受地獄畜生餓鬼之苦。若生天上及在人間貧窮困
苦。愛別離苦。冤憎會苦。如是等種種諸苦衆生沒在
其中。歡喜遊戲。不覺不知不驚不怖。亦不生厭。不求

解脫。於此三界火宅東西馳走。雖遭大苦。不以爲患。
舍利弗佛見此已。便作是念。我爲衆生之父。應拔其
苦難。與無量無邊佛智慧樂。令其遊戲。

此中見之一字。合上長者見也。諸衆生乃至種種
諸苦。合上大火從四面起。即是八苦之火。從四倒
起也。衆生沒在其中。乃至不以爲患。超合上而諸
子等乃至無求出意也。不觀苦集。故不生厭。不觀
道滅。故不求解脫。舍利弗佛見此已。等追合上。卽
大驚怖等也。拔苦難。是大悲。與佛樂。是大慈。

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

(丑)二合捨几用車譬又二初合捨几二合用車

(寅)初合捨几但合勸門不合誠門前法說中亦但勸善不明誠惡當知勸修爲正誠惡是傍又勸善卽誠惡誠惡卽勸善今合勸善卽知合誠惡也文又爲二初正合捨几二提譬帖合

卯初

舍利弗如來復作是念若我但以神力及智慧力捨於方便爲諸衆生讚如來知見力無所畏者衆生不能以是得度所以者何是諸衆生未免生老病死憂

悲苦惱而爲三界火宅所燒何由能解佛之智慧

若我但以等合上擬宜所以者何下合上不得也神力合身力智慧力合手力如來知見合衣祇力合案無所畏合几未免生老病死等合上諸子幼稚何由能解佛之智慧合上唯有一門而復陿小舍利弗如彼長者雖復身手有力而不用之但以慇勤方便勉濟諸子火宅之難然後各與珍寶大車如來亦復如是雖有力無所畏而不用之

(卯)二提譬帖合

60 1 2 3 4 5 6 7 8 9 70

80

法華會義五

三

提警具明寢大施權後乃顯實帖合且明無機寢
大而施權顯實二意自在下文初合捨几警竟
寅二合用車譬三初合擬宜三車并知子先心。二
合歎三車希有三合適子所願卯今初

但以智慧方便於三界火宅拔濟衆生爲說三乘聲
聞辟支佛佛乘

智慧方便卽合擬宜爲說三乘卽合知子先心所
好也

卯二合歎三車希有又三初合示轉二合證轉三

追合勸轉 辰今初

而作是言汝等莫得樂住三界火宅苦諦勿貪粗弊色
聲香味觸也若貪著生愛則爲所燒集汝速出三界
當得三乘聲聞辟支佛佛乘道滅二諦

合上三車今在門外汝等於此火宅宜速出來

辰二合證轉

我今爲汝保任此事終不虛也汝等但當勤修精進
如來以是方便誘進衆生求出苦望復歸覺自非
合上隨汝所欲皆當與汝

(辰)三追合勸轉。譬中先勸。故云追合。

復作是言。汝等當知此三乘法。皆是聖所稱歎。自在無繫無所依求。乘是三乘。以無漏根力覺道禪定解脫三昧等而自娛樂。使得無量安隱快樂。

合上汝等所可玩好。希有難得也。三乘皆是諸佛方便引物儀式。故是聖所稱歎。得無生智爲自在。得盡智爲無繫。我生已盡不受後有名無所依。所作已辦。梵行已立。名無所求。根力覺道等通漏無漏。賢位三十七品屬有漏學。無學位三十七品屬

無漏。禪卽四禪。定卽無色四定。亦通有漏無漏。今指無漏。解脫卽八解脫。三昧卽三三昧。此唯無漏等。卽等取觀練熏修諸禪。無量安隱快樂。謂真空涅槃永離災患也。二合歎三車。希有竟。

(卯)三合適子所願

舍利弗。若有衆生。內有智性。從佛世尊聞法信受。愍精進欲速出三界。自求涅槃。是名聲聞乘。如彼諸子爲求羊車。出於火宅。若有衆生從佛世尊聞法信受。愍精進求自然慧樂。獨善寂深。知諸法因緣。是

名辟支佛乘。如彼諸子爲求鹿車出於火宅。若有衆生從佛世尊聞法信受。勤修精進求一切智。佛智自然智無師智。如來知見力無所畏。愍念安樂無量衆生。利益天人度脫一切。是名大乘。菩薩求此乘故名爲摩訶薩。如彼諸子爲求牛車出於火宅。

內有智性者。宿習三乘樂欲成三乘智性。故佛得施三乘教也。聞法信受卽聞慧。合上適其願故也。愍懃卽思慧。合上心各勇銳也。精進卽修慧。合上推排。排惡去故精推理明故進也。欲速出三界等。

合上競共馳走爭出火宅也。如羊不顧後羣名聲聞乘求自然慧者。十二因緣本自有之。非佛天人等所作。又辟支多分是法行人。從他聞少。自推義多。故取譬于鹿。鹿不依人也。求一切智謂欲徧知一切世出世法。不同二乘唯求出世。此智復名佛智。以非二乘所能得故。又名爲自然智。以超然自覺悟故。又名爲無師智。佛爲天人大師。更無有爲佛師者。故且約三藏佛果釋此四智。當知四教。四智名同義實迥別。此不繁述。菩薩聖此修因。安忍

運載故取譬于牛也。二合捨几用車譬竟。

(丑)三合等賜大車譬。譬文有四。一免難。二索車。三等賜。四歡喜。今但合免難義兼索車。但合等賜義兼歡喜。文分爲二。初雙牒免難等賜二譬。二

雙合 (寅)今初

舍利弗。如彼長者見諸子等安隱得出火宅到無畏處。自惟財富無量等以大車而賜諸子。

(寅)二雙合

如來亦復如是。爲一切衆生之父。若見無量億千衆

生。以佛教門出三界苦怖畏險道。得涅槃樂。

此先合免難也。以佛教門者。依教所詮真理而起三乘聖行。故得出苦

如來爾時便作是念。我有無量無邊智慧力無畏等諸佛法藏。是諸衆生皆是我子。等與大乘不令有人獨得滅度。皆以如來滅度而滅度之。是諸衆生脫三界者。悉與諸佛禪定解脫等娛樂之具。皆是一相一種。聖所稱歎能生淨妙第一之樂。

此次合等賜也。我有無量乃至諸佛法藏。合上財

富無量諸藏充溢。即有車之由也。是諸衆生皆是我子乃至娛樂之具。合上心等。諸佛禪定解脫。並依中道實相。故與二乘禪定解脫不同也。皆是一相。乃至第一之樂。合上正明車體。譬文廣今文略。但點三德以收衆義。一相是實相。卽法身德。一種是種智。卽般若德。能生淨妙第一之樂。樂卽無苦。是解脫德。三德不可思議。名爲高廣大車。三合等。賜大車譬竟。

(丑) 四合無虛妄譬二。初牒譬。二正合 (寅) 今初

舍利弗。如彼長者。初以三車誘引諸子。然後但與大車。寶物莊嚴安隱第一。然彼長者無虛妄之咎。

(寅) 二正合

如來亦復如是。無有虛妄。初說三乘。引導衆生。然後但以大乘而度脫之。何以故。如來有無量智慧力。無所畏。諸法之藏。能與一切衆生大乘之法。但不盡能受。舍利弗。以是因緣。當知諸佛方便力故。於一佛乘。分別說三。

能與一切衆生大乘之法。猶所云。以我此物周給。

一國猶尚不匱也。不盡能受。故不得已爲一施三。三由衆生非佛本意。今說大乘不乖本心。故不虛也。前舍利弗問云。願爲四衆說其因緣。今故答云。以是因緣分別說三。二正譬說中。初長文竟。

妙法蓮華經台宗會義卷二之一

大時韶助銀一兩

陳丹衷助銀三兩

石盤助銀一兩

楊光先助銀一兩

妙法蓮華經台宗會義卷二之二

古吳後學萬益智旭述

正譬說中。二重頌爲二。初頌立譬。二頌法合。

癸初中二。初頌總譬。二頌別譬。

子初又四。初

頌長者。二頌家宅。三頌五百人。四頌火起。略不

頌一門及三十子也。

丑今初

譬如長者。佛欲重宣此義而說偈言。

但頌位號。卽兼名行歎德。如舉佛號。便知萬德。

丑二頌家宅

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

有一大宅其宅久故而復頓弊。堂舍高危。柱根摧朽。梁棟傾剝。基陛墜毀。牆壁圮坼。泥塗臥落。覆苦亂墜。椽梠差脫。周障屈曲。雜穢充徧。

因緣釋者有一大宅。且指同居大千三界。三界無始爲久。非今所造爲故。無常卑鄙名頓弊。色界爲堂。欲界爲舍。不免墮落爲高危。命根支持爲柱。四相所遷爲摧朽。意識綱維爲梁棟。諸苦所壞爲傾斜。過去行業爲基陛。業運遷滅爲墜毀。四大爲牆壁。互相損害爲圯坼。皮膚爲泥塗。壯色不停爲臥

落。四威儀不正爲覆苦亂墜。五識不利。不相主境。爲椽梠差脫。意識處處馳逐爲周障。徧歷六根。取境爲屈曲。徧于六塵起貪恚癡爲雜穢充徧。此總約三界。色心爲宅體也。觀心釋者。現前一念五陰身心。其性本自豎窮橫徧。名一大宅。無始以來。闇識相傳。無有作者。名爲久故。念念無常。迷情惡劣。名爲頓弊。腹爲堂。背爲舍。兩足爲柱根。脊骨爲梁棟。筋脛爲基陛。皮肉爲牆壁。膚色爲泥塗。鬚髮爲覆苦。牙齒骨節爲椽梠。徧身之內爲周障。小腸大

腸等爲屈曲。大小不淨爲雜穢充徧。如此一身。身外更無別物。名一大宅而爲理。卽長者所有。若能念念觀察。知此五陰身心。所有苦性。卽法身德。所有惑染。卽般若德。所有業行。卽解脫德。則轉爲名字長者。乃至轉爲究竟長者。自覺覺他利益無盡。若不觀察。則盡未來際。恒居火宅。燒已復燒。終不知此大宅體。卽大白牛車。哀哉哀哉。

(丑)三頌五百人

有五百人。止住其中。

譬五道也。旣有五道。卽有三乘根性。兼得三十子也。

(寅)四頌火起。四初頌地上事。譬欲界。二頌穴中事。譬色界。三頌穴外事。譬無色界。四總結衆難。非一。問經文已自有譬。有合。何故譬中復約譬釋答。譬廣。合略。理應釋譬。况鴟梟鵠鷺。乃至夜叉。餓鬼等。若不譬利。鉅諸使。何用列此冗雜名物。豈佛有無義語耶。(寅)初中四初明所燒之類。二明火起之由。三正明火起之勢。四明被燒之

法華會義

相

(卯)

初明所燒之類。譬十使衆生也。

鳴梟鵠鷺烏鵲鳩鴟。蛇蝮蠍𧈧𧈧𧈧。守宮百足。馳狸鼴鼠諸惡蟲輩交橫馳走。屎尿臭處不淨流溢。蜣娘諸蟲而集其上。狐狼野干咀嚼踐踏。齊齧死屍骨肉狼藉。由是羣狗競來搏撮饑羸惶惶處處求食。鬪諍據掣哩咤吽吠。其舍恐怖變狀如是。

此先譬五鈍使也。鳴梟等八鳥以譬慢使衆生。自舉輕他如烏陵高下視陵他名慢自恃名橋。故以橋釋慢。文殊問經明八橋今用配八鳥盛壯橋如

鳴。姓橋如梟。富橋如鵠。自在橋如鷺。壽命橋如烏。聰明橋如鵠。行善橋如鳩。色橋如鴟次蚯蛇等二句以譬瞋使。蚯者黑蛇也。蚯蛇不觸而吸。譬非理瞋蝮者虺也。長三寸大如指。鼻上有針。蝮蠍觸之則螫。譬執理瞋。赤頭者名蜈蚣。不赤者名蚰蜒。譬戲論瞋。次守宮等八句。總譬癡使。守宮卽蝘蜓也。守宮百足尤然無知。譬獨頭無明。馳似鼠而亦噉鼠。狸卽貓類。鼴卽甘口鼠。此四譬相應無明。諸惡蟲輩交橫馳走。結上獨頭相應二種無明。徧緣三

界故交橫紛起速疾故馳走。卽是從癡根本備起諸結也。屎尿二句明癡心所著之境皆無常苦無我不淨。蛇蠍二句明迷事無明妄計以爲常樂我淨而生染著也。狐狼等八句總譬貪使。狐狼譬有力貪以威勢取。野干譬無力貪從他乞索。咀嚼譬有用而取。踐踏譬不用而取。又少則咀嚼多則踐踏也。齊齋譬食噬無厭死屍譬粗弊五欲骨肉狼藉譬積聚五塵不知止足。由是羣狗競來搏撮。譬王賊等有大力者舉彼有力無力所積之物皆能

強取之也。饑譬常不知足。羸譬求不稱意。憚惶譬種種營覓。所謂多欲之人雖富而貧也。又愛心貪其貪五塵之肉。見心貪道理之骨。推求知見。遂多所解。卽是多骨須骨之狗競來搏取。于見心中未得正法之食。名饑不能伏斷見惑名羸處處求解。名爲憚惶互相是非名爲鬪諍意謂爲非。如向前提。復謂爲是。如向後掣發言論決是非之理。如嗟嘆。嘵嘵吠此卽合前由是羣狗等四句。共有六句皆譬疑使。其舍恐怖變狀如是。總結上五鈍使也。見屬

60 1 2 3 4 5 6 7 8 9 70 1 2 3 4 5 6 7 8 9 80

80 1 2 3 4 5 6 7 8 9 80

利使自在後文。今約鈍中之利故推道理而起于疑也。聚居露齒名哩。噭出聲大吼名嘩。

處處皆有魑魅魍魎夜叉惡鬼食啖人肉。毒蟲之屬食之既飽惡心轉熾。鬪諍之聲甚可怖畏。鳩槃茶鬼蹲踞土埵或時離地一尺二尺往返遊行縱逸嬉戲。捉狗兩足撲令失聲以脚加頸怖狗自樂復有諸鬼其身長大裸形黑瘦常住其中發大惡聲叫呼求食復有諸鬼其咽如針復有諸鬼首如牛頭或食人肉或復噉狗頭髮鬃亂殘害兇險飢渴所逼叫喚馳走。

此次譬五利使也。處處皆有二句總明五種利使遍于三界五陰四諦造次恒有也。山怪曰魑宅怪曰魅木石變怪曰魍魎夜叉等三偈別譬邪見人肉譬出世善報食噉人肉譬撥無出世因果也。毒蟲禽獸孚乳產生各自藏護譬世間因果因能有果名藏必得不失名護爭取食之譬撥無世間因果也。食之既飽譬邪見成就惡心轉熾譬邪見增廣闡諍之聲譬撥無因果邪論甚可怖畏譬聞此邪論能使人墮落三塗也。鳩槃等兩偈半別譬戒

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

取鳩槃茶可畏鬼也。虛坐名蹲。實坐名踞。地形高處名土埵。譬外道依于戒取修行十善能生欲界六天高處也。或時離地一尺二尺者。譬依戒取得四禪生在色界名離地一尺。或依戒取得四空定生無色界名離地二尺也。往返遊行者。往譬生上二界返譬還生欲界。縱逸嬉戲者。譬不入正道終無實詣也。捉狗兩足譬妄計苦行爲淨。撲令失聲譬妄計苦行不得苦果。以腳加頸譬以苦行希求樂果。怖狗自樂譬以苦行暫伏煩惱。或時稍得

味禪也。復有諸鬼其身長大等六句。別譬身見暨入三世計我名長。橫徧五陰計我名大。計我自在不修善法。卽無慚愧。故名裸形。以惡莊嚴。故名黑無功德資。故名瘦。妄計有我。永不能出三界。故云常住其中。發言宣說種種我相。故云發大惡聲。妄計有我能得涅槃。故名叫呼求食也。次復有諸鬼其咽如針。別譬見取。咽細命危而保其壽。如非想無常而妄計涅槃也。次復有諸鬼首如牛頭等二偈。別譬邊見。依于身見起斷常二見。如牛頭二角。

斷常二見能斷出世善根。如食人肉能斷世間善根。如或復噉狗。有時計斷。有時計常。前後迴轉。如頭髮顛亂。計常破害無常正理。計斷破害緣起。正理計常墮常坑。計斷墮斷坑。故云殘害兇險。無智慧食無禪定飲。故云饑渴所逼。宣唱斷常邪論。故云叫喚輪迴生死不息。故云馳走也。

夜又餓鬼諸惡鳥獸。饑急四向窺看。憲牖如是諸難恐畏無量。

此總結欲界利鈍煩惱衆生之相也。並是有漏之

心。常乏道味。故云饑急邪觀空理。慕仰道味。故云四向窺看。滯著心多。不會正理。如憲牖觀空。不得無礙。初明所燒之類竟。

(卯)二明火起之由。譬起五濁之由也。

是朽故宅屬於一人。其人近出未久之間。於後宅舍忽然火起。

三界是佛應化之處。從發心來誓願度脫。故云屬于一人。長者在宅。能令慎火。由出去後。諸子無知。故令火起。譬佛近于大通佛時。常教是等令伏五

濁。衆生感盡。如來捨應。此等于後便起五濁也。他土赴緣。非是永去故言近出。又已證無生不生三界。故名爲出。不久應來。故名爲近。壽量品云。數現涅槃。卽是出宅意也。三界爲宅。五陰爲舍。

(卯) 三正明火起之勢。譬正起五濁也。

四面一時。其燄俱熾。棟梁椽柱。爆聲震裂。摧拆墮落牆壁崩倒。

四面警身受心法也。頓起四倒五濁八苦。故云一時其燄俱熾。命斷爲爆。風刀解體爲裂。氣斷骨離。

爲摧折墮落。四大解散爲牆壁崩倒。由濁倒故。身命無常。

(卯) 四明被燒之相。譬入苦五濁。逼惱利鈍。衆生也諸鬼神等。揚聲大叫。鶻鷺諸鳥。鳩槃茶等。周憚惶怖。不能自出。

諸鬼神等。取一切利鈍諸使也。揚聲大叫。恐怖無措也。鶻鷺諸鳥別舉鈍使中之勝者。鳩槃茶別舉利使中之勝者。然皆周憚惶怖。不能自出。故知若非三寶四諦四念處法。縱令天龍神聖。決定不

免輪迴。初頌地上事。譬欲界竟。

(寅)二頌穴中事。譬色界三。初譬所燒之類。二明火起之由及火起之勢。三明被燒之相。

(卯)今初

惡獸毒蟲藏竄孔穴。毘舍闍鬼亦住其中。大把財
孔穴雖復不及門外安樂猶得免于欲界粗惡也。惡
禪雖復不及界外安樂猶得免于欲界粗惡也。惡
獸毒蟲總舉鈍使衆生。毘舍闍鬼略舉利使衆生
並能得禪生于色界也。毘舍闍鬼此云噉精氣。

(卯)三明火起之由及火起之勢。

薄福德故爲火所逼。其相殘害飲血噉肉。

薄福德故一句是火起之由。爲火所逼等是火起
之勢也。孔穴之中雖無猛炎。猶有熱惱。譬四禪中
雖無欲界惡法。亦有愛味細苦。展轉厭下欣上。以
上伏下。名共相殘害。但著默然如飲血。但著支林
功德。如噉肉也。

(卯)三明被燒之相。

野干之屬並已前死。諸大惡獸競來食噉。臭煙烽燎
四面充塞。

野干譬欲界貪故已前死。諸大惡獸。譬色界貪能吞欲界貪也。欲界四倒入苦。猶如猛炎。色界四倒譬以臭煙。亦通身受心法及以四大。故言四面充塞也。二頌穴中事。譬色界竟。

(寅)三頌穴外事。譬無色界二。初明所燒之相。二明被燒之相。(卯)今初

蜈蚣蚰蜒毒蟲之類。爲火所燒。爭走出穴。鳩槃茶鬼隨取而食。

厭患色籠是苦粗障。欣向無色爲淨妙離。故云爲

火所燒爭走出穴。旣取上定。隨滅下緣。故云鳩槃茶鬼隨取而食也。然通而言之。利鈍二使。並堪得無色定。今別約鈍使厭下。故攀上利使證上。故滅下也。

(卯)二明被燒之相

又諸餓鬼頭上火然。饑渴熱惱周憊悶走

四空諸天。並乏無漏飲食故。如餓鬼雖居三界之項。不免無常所燒故。如頭上火然。無正道食故。饑無助道漿故。渴猶爲微細入苦所逼故。熱猶有微

60 1 2 3 4 5 6 7 8 9 10

11 12 13 14 15 16 17 18 19 20

細諸惑現行故惱。猶在生死輪迴數中。不知出要。
故云周憇悶走也。三頌穴外事譬無色界竟。

(寅)四總結衆難非一

其宅如是甚可怖畏。毒害火災衆難非一

初頌總譬竟

(子)二頌別譬三。初頌長者見火譬。二頌捨几用車
譬。三頌等賜大車譬。略不頌無虛妄譬也。 (丑)

今初頌別取而言之。次二頌並取

是時宅主在門外立。聞有人言。汝諸子等先因遊戲

來入此宅。稚小無知。歡娛樂著。長者聞已驚入火宅。
初三句頌能見。次五句頌所見。後二句頌驚怖也。
門外者法身地也。立者常懷大悲欲救衆生。不處
第一義空座也。上文云見。今頌云聞。以聞代見顯
見聞不二也。有人言者法是佛師。謂三昧法也。若
入三昧。則能見機。三昧令佛見。故云聞有人言也。
先因遊戲來入此宅者有二義。一者初發心時。卽
名爲出來登不退。仍起見思。故云遊戲來入此宅。
二者理性本淨。非三界法。因無明故而起戲論妄。

有生死故云遊戲來入此宅稚小者大善未著也。

無知者癡惑所纏也。驚入者大悲起應也。

(甲)二頌捨几用車譬二初頌捨几二頌用車

人初頌捨几前法合中但合勸門今但頌誠門亦

最互顯也。惠百人言普去愚迷融智三相去也。

方宜救濟令無燒害告喻諸子說衆患難惡鬼毒蟲
災火蔓延衆苦次第相續不絕毒蛇蠍蝮及諸夜叉
鳩槃茶鬼野干狐狗鴟鴞鳴梟百足之屬饑渴惄急
甚可怖畏此苦難處况復大火諸子無知雖聞父誨

猶故樂著嬉戲不已

前四偈半頌誠門擬宜後一偈頌不得也。方宜者
擬以大教逗其宜也。告喻者卽是誠門說衆患難
也。惡鬼毒蟲句總立所燒卽利鈍十使衆生。災火
蔓延三句總明燒勢及以燒相。毒蛇等二偈廣明
所燒雜列利鈍諸使不復次第此苦難處二句卽
是況結三界因果已不堪處况又起五濁耶。諸子
無知卽是無大乘機不肯信受子既深著見思嬉
戲不已父誨所不能化卽含有息化之意

(寅)二頌用車三。初頌擬宜三車。二頌歎三車希有。

三頌適子所願略不頌知子先心也。(卯)今初

是時長者而作是念。諸子如此。益我愁惄。今此舍宅無一可樂。而諸子等耽湎嬉戲不受我教。將爲火害。卽便思惟設諸方便。

初一偈明擬宜意。次一偈明用小之由。由著見思故唯施小。次二句明用小之意。若不用小則大小並亡。故云將爲火害。次二句正思用小。

(卯)二頌歎三車希有。

告諸子等。我有種種珍玩之具。妙寶好車。羊車鹿車。大牛之車。今在門外。汝等出來。吾爲汝等造作此車。隨意所樂可以遊戲。

初四句頌勸轉。次三句頌示轉。汝等出來句重頌。勸轉後一偈頌證轉也。吾能造車。卽是引已所證

而明不謬。

(卯)三頌適子所願。

諸子聞說如此諸車。卽時奔競馳走而出。到於空地離諸苦難。

聞說頌聞慧。奔競頌思修。馳走而出。頌見諦。到于

空地。頌無學也。二頌捨几用車譬竟。

(丑)三頌等賜大車譬四初頌父見諸子免難歡喜而譬。二頌諸子索車譬三頌等賜諸子大車譬四頌諸子得車歡喜譬

(寅)今初

長者見子得出火宅。住於四衢坐師子座。而自慶言我今快樂。此諸子等生育甚難。愚小無知。而入險宅。多諸毒蟲魑魅可畏。大火猛燄。內面俱起。而此諸子貪樂嬉戲。我已救之。令得脫離。是故諸人。我今快樂。

住于四衢。謂了了見四諦也。坐師子座者。宅王初在門外。猶有憂畏。故云立。今見子免難。方得無畏。故云坐。方便品云。今我喜無畏。卽此義也。又前是三大機。未會故云立。今是小化已周。故云坐。立者。冥利。坐者。顯益也。而自慶言者。得所化機。是故慶快。二萬億佛所。教以大乘。是故云生。中間小熟。是故云育。經此多時。數數將養。故云甚難。善根尚微。故招果。故云入宅。多諸毒蟲。二句總述三界利鈍。則

相。大火猛燄二句。總述三界八苦之勢。而此諸子二句明其起見。起愛不能自拔我已救之二句明其歡喜之由。是故諸人二句結成歡喜之意。

(寅)二頌諸子索車譬

爾時諸子知父安坐皆詣父所而白父言願賜我等三種寶車如前所許諸子出來當以三車隨汝所欲今正是時惟垂給與

知父安坐者索車時也正同將說法華時也皆請父所者索車儀也正同此會咸以恭敬心皆來至

佛所也願賜我等三種寶車者正請索也如前所許者執昔而疑今也前云實有三乘可隨我欲今既斥爲方便必當別垂給與也

(寅)三頌等賜諸子大車譬

長者大富庫藏衆多金銀瑠璃碑碣磗礪以衆寶物造諸大車莊校嚴飾周布欄楯四面懸鈴金繩交絡真珠羅網張施其上金華諸縷處處垂下衆綵雜飾周布圍繞柔軟繪續以爲茵褥上妙細氈價直千億鮮白淨潔以覆其上有大白牛肥壯多力形體姝好

60 1 2 3 4 5 6 7 8 9 10 1 2 3 4 5 6 7 8 9 10

以駕寶車。多諸儕從。而侍衛之。以是妙車等賜諸子。
初二句。超頌有車之由。次六偈半。皆頌正明車體。
其後二句。追頌標章。略不頌心等。然車等子等。則心
最必等明矣。屋盛物曰庫。可喻六根具一切法。地盛
物曰藏。可喻諸行具一切法。又陰界入等。具一切
法。可喻以藏。約理如地。故道品六度等。具一切法。
可喻以庫。約修如屋。故其實一一法中。具一切行
及一切法。十一行中。具一切法。及一切行。故名庫
藏。衆多而大富也。性具諸法。總名衆寶。從性起修。

名之爲造。子多行多。車則隨多。名之爲諸。一一車
體無不高廣。名之爲大。又須示方知。子修名造。以
性泯修。造還本有。乃車體也。莊校下。皆具度也。初
四句如前釋。真珠羅網二句。卽頌幘蓋。慈門非一。
猶如網孔。一一孔中。皆一真珠。如衆慈門。並稱于
實也。金華諸縷二句。卽頌垂諸華縷。以明衆機偏
悅也。衆綵雜飾。明垂化之處。設應不同。周帀圍繞
明攝物之宜。無所闕少。柔軟繪繡。卽頌婉字。以爲
茵褥。卽頌筵字。上妙細氈四句。卽追頌重敷二字。

意顯種種事禪。並卽實相不同。凡小雜諸煩惱故。鮮白淨潔而上妙也。大白牛如前釋。賓從卽僕從。餘皆可知。

(寅)四頌諸子得車歡喜譬
諸子是時歡喜踊躍。乘是寶車遊於四方。嬉戲快樂。自在無礙。

乘中道妙慧橫遊。四種四門。四種四諦。豎遊四十一位。證於究竟常樂。我淨四德也。初頌立譬竟。

(癸)二頌法合二。初頌合總譬。二頌合別譬。(子)初

中四初頌合長者。二頌合五百人。三頌合家宅。四頌合火起。(丑)今初

告舍利弗。我亦如是。衆聖中尊世間之父。我亦如是。句頌合位號下。二句頌合名行。兼歎德也。

(丑)二頌合五百人。兼得三十子義。

一切衆生皆是吾子。淡著世樂。無有慧心。

一切指三界五道也。三十是緣因子。一切是正因

子。

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

丑三頌合家宅兼得一門義

三界無安猶如火宅

丑四頌合火起

衆苦充滿甚可怖畏常有生老病死憂患如是等火熾然不息

初二句標次二句釋後二句結也初頌合總譬竟

子二頌合別譬四初頌合見火二頌合捨几用車

三頌合等賜大車四頌合無虛妄

丑今初

如來已離三界火宅寂然閑居安處林野今此三界

皆是我有其中衆生悉是吾子而今此處多諸患難唯我一人能爲救護

宅

丑二頌合捨几用車二初頌合捨几二頌合用車

具張寅今初攝五乘令諸眾生離三界苦聞示說

雖復教詔而不信受於諸欲染貪著淡故

初一句頌擬宜第二句頌不得後兩句釋成不信

1 2 3 4 5 6 7 8 9

10

11

12 13 14 15 16 17 18 19 20

之由。兼含息化之意。

(寅)二頌合用車

以是方便爲說三乘。令諸衆生知三界苦。開示演說出世間道。是諸子等。若心決定。具足三明及六神通。有得緣覺不退菩薩。

初二句頌合擬宜。次四句頌合歎三車希有。後六句頌合適子所願也。若心決定。總頌三乘馳走之位。具足等四句別頌三乘爭出之位。不退義通。兼前三教。二頌合捨几用車竟。

(丑)三頌合等賜大車二。初頌合等賜。二頌合歡喜。

略不頌免難索車

(寅)今初

汝舍利弗。我爲衆生以此譬喻說一佛乘。汝等若能信受是語。一切皆當成得佛道。

此先頌皆是我子等與大乘。乃至皆以如來滅度而滅度之。令心等也。

是乘微妙清淨第一。於諸世間爲無有上。佛所悅可。一切衆生所應稱讚供養禮拜。

此卽頌皆是一相一種聖所稱歎。能生淨妙第一。

60 1 2 3 4 5 6 7 8 9 10

1 2 3 4 5 6 7 8 9 10

之樂合車體也

無量億千諸力解脫禪定智慧及佛餘法得如是乘此追頌我有無量無邊智慧力無畏等諸佛法藏合有車之由也初頌合等賜竟

二頌合歡喜

令諸子等日夜劫數常得遊戲與諸菩薩及聲聞衆乘此寶乘直至道場以是因緣十方諦求更無餘乘除佛方便

初七句正明各得大乘法喜後四句結成勸信也

日夜者初得佛知見中道智光如日餘無明在如夜自得中道智如日慈悲入生死如夜常行二法故言遊戲也廣化三乘同得一乘故言與諸菩薩及聲聞衆乘此寶乘此乘圓頓無委曲相故言直至道場次結成唯一無三因緣可知三頌合等賜

太車竟

(五)四頌合無虛妄

告舍利弗汝諸人等皆是吾子我則是父汝等累劫衆苦所燒我皆濟拔令出三界我雖先說汝等滅度

但盡生死而實不滅。今所應作。唯佛智慧。若有菩薩。於是衆中。能一心聽諸佛實法。諸佛世尊雖以方便。所化衆生。皆是菩薩。

初四句。先定父子天性至情。即是頌如來亦復如是。無有虛妄也。次四句。卽頌初說三乘引導衆生也。次十四句。卽頌然後但以大乘而度脫之也。若人小智。渙著愛欲。爲此等故。說於苦諦。衆生心喜。得未曾有。佛說苦諦。真實無異。若有衆生不知苦本。渙著苦因。不能暫捨。爲是等故。方便說道。諸苦所因。

貪欲爲本。若滅貪欲。無所依止。滅盡諸苦。名第三諦。爲滅諦。故修行於道。離諸苦縛。名得解脫。

此超頌衆生不盡能受大乘之法。故佛以方便力。爲說生滅四諦也。苦本。卽集諦。方便說道。猶云方便說言。第三諦。卽滅諦。餘可知。

是人於何而得解脫。但離虛妄名爲解脫。其實未得一切解脫。佛說是人未實滅度。斯人未得無上道故。我意不欲令至滅度。我爲法王。於法自在。安隱衆生。故現於世。

此追頌如來有無量智慧力無所畏諸法之藏能與一切衆生大乘之法也。但離虛妄者離見思也。一切解脫者如來大涅槃也。未實滅度者變易生死尚在也。無上道者一切種智也。法王現世爲安衆生許三與一。寧有虛妄重頌竟。譬說周四大段中初正譬開三顯一。有請有答。答中有三。初發起

二正譬說竟

辛三勸信流通。信者信佛說不說也。勸者勸可通食不可通。有此二義故言勸信。文爲二。初標兩章。

二釋 ⑤今初

汝舍利弗我此法印爲欲利益世間故說在所遊方勿妄宣傳

初四句標說不說者我此實相法印爲欲利益世間故說也。若四十餘年未是說時若五千未退則不說也。次二句標可通不可通者勿妄宣傳也。惡者強說令其墮苦善者不說悞其得樂。大悲愍惡則不宜通。大慈念善則應可通也。按此文佛囑身子若此卽與日月燈明囑妙光同至于身子先佛

入滅。不過小機所見耳。今日得聞法華。未始不仍是身子流通力也。

(王)二釋爲二。初釋可說不可說。二釋可通不可通。

(癸)今初

若有聞者。隨喜頂受。當知是人。阿惟越致。若有信受。此經法者。是人已曾見過去佛。恭敬供養亦聞是法。若人有能信汝所說。則爲見我亦見於汝及比丘僧。并諸菩薩。斯法華經爲漢智說。漢識聞之迷惑不解。一切聲聞。及辟支佛。於此經中。力所不及。汝舍利弗。

尚於此經以信得入。況餘聲聞。其餘聲聞。信佛語。故隨順此經。非已智分。

此正明如來利益世間之相也。通論三世利益。別論令二乘入信。初一偈是觀現在益爲說。梵語阿惟越致。此云不退。次六句是觀過去善爲說。次六句是觀未來善爲說。下文云。若漢信解者。見佛常在靈鷲。卽此義也。次四句結上起下。如來觀彼漢智三世利益。是故爲說。漢識不解。則不爲說也。後三偈。正明二乘由信得入。非已智分。實得阿羅漢。

必信佛語。故智力雖弱。亦可爲說。若五千增上慢人。佛則不爲說矣。

(癸)二釋可通不可通又二。初約大悲門。莫爲惡說。二約大慈門。應爲善人說。(子)今初

又舍利弗。憍慢懈怠計我見者。莫說此經。凡夫淺識。深著五欲。聞不能解。亦勿爲說。若人不信。毀謗此經。則斷一切世間佛種。

此經所詮。純談實相。以實相印。徧印諸法。故使纖善微解。同成緣了。而見思重者。聞之。則有二過。一

者不信。二者謬解。言不信者。由淺智故。執權疑。宜言謬解者。由依文故。直以外道所計。常樂我淨。而謂與此圓理無殊。譬如舊醫專用毒乳。此之二過。同名毀謗。此經皆斷世間佛種。何以故。此經以緣了而爲佛種。若執權疑。實則不信。小善成佛是斷世間緣因種也。亦自斷了因種也。若謬解常樂。則不辨乳之好惡。是斷世間了因種也。又自謂惑。即般若業。卽解脫。不復修諸善法。亦自斷緣因種也。今初一偈。是見惑重。次一偈。是思惑重。後一偈。是

總出其過

法華會第

二五

或復顰蹙而懷疑惑。汝當聽說。此人罪報。若佛在世。若滅度後。其有誹謗如斯經典。見有讀誦書持經者。輕賤憎嫉。而懷結恨。此人罪報。汝今復聽。其人命終入阿鼻獄。具足一劫。劫盡更生。如是展轉。至無數劫。從地獄出。當墮畜生。若狗野干。其形頸瘦。黧黯。瘡癩。人所觸燒。又復爲人之所惡賤。常因饑渴。骨肉枯竭。生受楚毒。死被瓦石。斷佛種故。受斯罪報。若作駝駘。或生驢中。身常負重。加諸杖捶。但念水草餘無所知。

謗斯經故。獲罪如是。有作野干來入聚落。身體疥癩。又無一目。爲諸童子之所打擲。受諸苦痛。或時致死。於此死已。更受鱗身。其形長大。五百由旬。聾騃。無足。宛轉腹行。爲諸小蟲之所啞食。晝夜受苦。無有休息。謗斯經故。獲罪如是。若得爲人。諸根闇鈍。矬陋。纏蹙盲聾。背僂有所言說。人不信受。口氣常臭。魑魅所著。貧窮下賤。爲人所使。多病消瘦。無所依怙。雖親附人。人不在意。若有所得。尋復忘失。若修醫道。順方治病。更增他疾。或復致死。若自有病。無人救療。設服良藥。

而復增劇。若他反逆。抄劫竊盜。如是等罪。橫罹其殃。如斯罪人。永不見佛。衆聖之王說法教化。如斯罪人。常生難處。狂聾心亂。永不聞法。於無數劫。如恒河沙。生輒聾瘞諸根不具。常處地獄。如遊園觀。在餘惡道。如已舍宅。駝驢猪狗。是其行處。謗斯經故。獲罪如是。若得爲人。聾盲瘡瘻。貧窮諸衰。以自莊嚴。水腫乾癩。疥癩癰疽。如是等病。以爲衣服。身常臭處。垢穢不淨。漢著我見。增益瞋恚。淫欲熾盛。不擇禽獸。謗斯經故。獲罪如是。告舍利弗。謗斯經者。若說其罪。窮劫不盡。

以是因緣。我故語汝。無智人中。莫說此經。

此具明謗經所招惡報。誠令勿妄宣傳也。問謗經。滅生罪。則經非罪緣乎。答佛之說。經唯爲生福。迷者。不信。自獲罪殃。如四大本爲養育人物。患者犯之。自取損害耳。今佛諄諄告諭。旣令弘法觀機。兼使彼知避苦。可謂徹底大悲矣。初約大悲門。莫爲惡說竟。

①二約大慈門。應爲善人說。又二。初明五雙善人之相。可爲宣說。二總結可說。⑤今初

60 1 2 3 4 5 6 7 8 9 10

1 2 3 4 5 6 7 8 9 10

若有利根。智慧明了。多聞強識。求佛道者。如是之人。乃可爲說。若人曾見億百千佛。植諸善本。淡心堅固。如是之人。乃可爲說。

利根強識。是現在見佛植善。是過去此過現一雙也。
若人精進常修慈心。不惜身命。乃可爲說。若人恭敬無有異心。離諸凡愚。獨處山澤。如是之人。乃可爲說。修慈是愍下。恭敬是尊上。又精進修慈。不滯涅槃。離諸凡愚。不滯生死。此福慧一雙也。

又舍利弗。若見有人捨惡知識。親近善友。如是之人。乃可爲說。若見佛子持戒清潔。如淨明珠。求大乘經。如是之人。乃可爲說。

捨惡親善。是外求名愧持戒如珠。是內護名慚。此慚愧一雙也。

若人無瞋質直柔軟。常愍一切。恭敬諸佛。如是之人。乃可爲說。復有佛子於大衆中。以清淨心種種因緣。譬喻言辭。說法無礙。如是之人。乃可爲說。

質直敬佛。是自行。譬喻說法。是化他。此自他一雙。

也

若有比丘爲一切智。四方求法。合掌頂受。但樂受持大乘經典。乃至不受餘經一偈。如是之人。乃可爲說。如人至心求佛舍利。如是求經得已。頂受其人。不復志求餘經。亦未曾念外道典籍。如是之人。乃可爲說。四方求法。是請益之始。頂受專修。是歸憑之終。此始終一雙也。問華嚴云。受一非餘。是名魔業。今何得云。乃至不受餘經一偈耶。答。若滯隨情之說。則受一者。必至非餘。故名魔業。若秉開顯之談。則一

外無餘。便能以一貫餘。故爲法器也。初明五雙善人相竟。

(丑)二總結可說。

告舍利弗。我說是相。求佛道者窮劫不盡。如是等人。則能信解。汝當爲說妙法華經。善信甚多。略舉十相。以示流通方法耳。第二譬說。周中初正譬開三顯一竟。

世土來釋譬喻品竟。次釋信解品。釋真實品。信解品第四。

0 1 2 3 4 5 6 7 8 9

10 11 12 13 14 15 16 17 18 19 20

21 22 23 24 25 26 27 28 29 30 31

計夫根有利鈍惑有厚薄說有法譬悟有前後文云。世尊往昔說法既久我時在座身體疲懈但念空無相無作於菩薩法不生一念好樂之心初聞略說動執生疑廣聞五佛蒙籠未曉今聞譬喻歡喜踊躍信發解生疑去理明歡喜是世界信生是爲書人疑去是對治理明是第一義圓融四悉一時俱得故名爲信解品又凡稟小大教革凡成聖各有次位小乘從聞生解苦忍明發信則稱行歷法觀察苦忍明發法則稱行若信行轉入修道則名信解

解若法行轉入修道則名見得準小望大亦應如此今中根人聞說譬喻初破疑惑入大乘見道故名爲信進入大乘修道故名爲解文云無上寶聚不求自得我等今日真是聲聞以佛道聲令一切聞聞圓教入圓位故名爲信解品本迹者四大弟子久入大乘成就佛法迹引中根示初信解故名爲信解品觀心者了達心外無法名信于現前一念介爾心中見一切法名解從名字信解乃至究竟信解

(已)二譬說周中。第二明中根領解。近領火宅。遠領

方便也。文爲三。初經家敘喜。二白佛自陳。

(庚)

今初

爾時慧命須菩提摩訶迦栴延摩訶迦葉。摩訶目犍連。從佛所聞未曾有法。世尊授舍利弗阿耨多羅三藐三菩提記。發希有心歡喜踊躍。卽從座起整衣服。偏袒右肩。右膝著地。一心合掌。曲躬恭敬。瞻仰尊顏。初文先敘內心。卽從座起下次敘外儀也。善吉獨稱慧命三人稱摩訶者。通論皆大皆慧。別論善吉

解空。空慧爲命。此約行也。

因緣諸慧人中佛慧第一。

佛于般若命其轉教。慧人所命。故云慧命。

約敘三弟

子被命少。摩訶如前釋。此中亦具三業領解。發希有心。心領解也。卽從座起身領解也。而白佛言。口領解也。從佛所聞未曾有法。卽近指火宅譬喻。遠指廣略法說。又聞世尊授身子記。同行相例。知必有分。所以發希有心歡喜踊躍也。整衣服者。卽聲表法。則從座起者捨小乘空證也。整衣服者。卽聲聞智斷爲菩薩法忍也。偏袒右肩者。右表于權。昔

60 1 2 3 4 5 6 7 8 9 10

1 2 3 4 5 6 7 8 9 80 1 2 3 4 5 6 7 8 9

未開權。如右肩被覆。今已開權。故偏袒也。右膝著地者。地表一實。知權即一實也。合掌表權。實不二。不二即是非權非實之一心也。躬非直非曲。而能直能曲。直表實曲。表權。今曲躬恭敬瞻仰尊顏。表以我之權趣佛之實也。

(庚)二白佛自陳二。初長文重頌。正陳得解。次十三

偈歎佛恩深

(辛)初中二。初長文。二重頌

(壬)初

初中二。初就法略領解。二約譬廣領解

(癸)初又二。初明昔

又二。初正法說。二略舉譬

(子)初又二。初明昔

稟三故不求。二明今會一故自得

(丑)初又三

初標。二釋

(寅)今初

而白佛言。我等居僧之首。年並朽邁。自謂已得涅槃無所堪任。不復進求阿耨多羅三藐三菩提。

一居僧首。故不求。法臘既高。晚學以我爲軌。倘忽然途易轍。棄小求大。恐爲後人所嫌。自固護彼。所以不求。然執小臘。則大法全闕。不棄小。由未識開三。自固則小執未移。護彼乃迷于大軌。此一失也。二年朽邁。故不求。若作菩薩。當任大道。廣度衆生。

今既老朽。無所堪任。所以不求。然一生斷證。是以自鄙年高。敗種未祛。是以妄見不任。此二失也。三得涅槃。故不求。高原陸地。不生蓮華。已入無爲。正位不堪。復發大心。所以不求。然昔迷實義。徒計正位之功。由斯固情。不知所行是菩薩道。此三失也。

(寅)二釋

世尊往昔說法既久。我時在座。身體疲懈。但念空無相無作。於菩薩法遊戲。神通淨佛國土。成就衆生。心不喜樂。所以者何。世尊令我等出於三界。得涅槃證。

又今我等已朽邁。於佛教化。菩薩阿耨多羅三藐三菩提。不生一念好樂之心。

在座疲懈。卽釋居僧首。故不求。次趨釋得涅槃。後追釋年朽邁。並如文。初明昔稟三故。不求竟
 ⑤二明今會一故。自得

我等今於佛前聞授聲聞。阿耨多羅三藐三菩提記心甚歡喜。得未曾有。不謂於今忽然得聞希有之法。深自慶幸。獲大善利。

由聞略廣法譬。重重開顯。而得信解。獨舉授聲聞

記者授記必由開顯故也。初正法說竟

子二略舉譬

無量珍寶不求自得

昔般若領教。謂爲菩薩。豈圖于今全蒙等賜也。初

就法略領解竟

癸二約譬廣領解。初立譬。二法合

子初中二

初答發。二正立譬

丑今初

世尊。我等今者樂說譬喻以明斯義

猶如世禮欲有所決須先答發也

丑二正立譬。四初父子相失譬。二父子相見譬。三追誘譬。四領付家業譬

寅初父子相失譬。領

上總譬及方便品中略領也。又爲四。初子背父

去。二父求子中止。三子遇到父城。四其父憂念

巳卯初又二。初背父而去。二向本而還

辰今初

譬若有人年旣幼稚捨父逃逝久住他國或十二十至五十歲

譬若有人者。二乘自譬也。年幼稚者譬善根微弱也。父譬如來應身。指二萬億佛所教無上道已成

父子應身息化之後退大心故。名爲捨父。無明白
覆名逃趣向生死名逝。輪迴三界五欲。名久住他
國。天道爲或十人。道爲二十。具歷五道爲至五十
歲。此領諸子先因遊戲來入此宅之意也。問應身
息化衆生起惑。是父離子。非子捨父。答由衆生不
感故應身去世還成子捨父義。又約觀心釋者。本
覺名父。始覺種子名子。種子力微爲幼稚。背於本
覺而起無明爲捨父逃避。寂光理性爲本國。五欲
生死爲他國。經歷五道爲五十歲也。

(卷二)向本而還

年既長大。加復窮困。馳騁四方以求衣食。漸漸遊行
遇向本國

年既長大者。譬大乘善根冥熏欲著也。加復窮困
者。譬退大既久殘福漸盡。其受八苦。不得出要。故
窮。八苦所燒。故困也。馳騁四方者。徧歷身受心法
徧推有無雙亦雙非也。以求衣食者。于中求正道
食。求助道衣也。漸漸遊行遇向本國者。不期而會
名之曰遇外道厭苦求理。雖復不當。亦得爲可化

60 1 2 3 4 5 6 7 8 9 70

1 2 3 4 5 6 7 8 9 80

1 2 3 4 5 6 7 8 9

之緣。佛初出時諸外道等皆先得度。卽此意也。初子背父去譬竟。

卯二父求子中止

其父先來求子不得。中止一城。其家大富。財寶無量。金銀琉璃珊瑚琥珀玻瓈珠等。其諸倉庫悉皆盈溢。多有僮僕臣佐吏民象馬車乘牛羊無數。出入息利乃徧他國商估賈客亦甚衆多。

退大以後。求機不會。故云求子不得。不爲一子而廢家業。譬佛不以一處無機而廢餘方施化。故云

中止一城。謂方便土在實報同居兩楹名中。約有餘涅槃名城。住此權理名止。卽此權理便是實相。故名其家。具足萬德。故爲大富。五度福德爲財。般若智慧爲寶。導一切法皆摩訶衍。故爲無量。金銀等七寶。卽圓乘三十七道品。此領上長者大富義也。倉庫盈溢者。盛米爲倉。譬禪定能生百八三昧。盛物爲庫。譬實相能發十八空智。自資爲盈。外化爲溢。此領上多有田宅義也。僮僕譬方便波羅密。卽領上及諸僮僕也。又兩教二乘通教菩薩別三

十心悉如僮僕。圓十地如臣。十向如佐。十行如吏。十住如民。初入佛境界。率土皆王民。十行修習諸法。種種驅馳。故如吏。十廻向事理。稍深識近王邊。故如佐。十地輔佛行化。降魔制敵。故如臣。象譬一心三觀。圓教大乘。馬譬次第三觀。圓別教大乘。牛譬卽空析空二觀。圓通教等大乘。羊譬析法自行觀。圓聲聞乘。不言鹿者。特是文略。又辟支值佛入聲聞數故也。無數者。權實諸法。皆名車乘。權實觀智。名象馬牛羊。非但教法甚多。觀智亦復無數。

也出入者。二而不二是入。入中不二而二是出。出中又不二而二是入。入空有二而不二是出。出于空有此三諦。無量還一是入。一中無量是出。出于空有此說。他用爲出。自行用爲入。此一番約自他說。祇是用前三諦二諦出法益衆生爲息。化功歸己爲利。偏于三土爲乃偏他國。唯法性土。名已國耳。行貨曰商。居貨曰賈。譬諸菩薩偏入三土以求法利。故云甚多。或此土菩薩往他方聽法。或他方大士來此土聞經。又應化二身。譬如商賈。將實法偏入三土。化益衆生而歸法。

身。故云甚多。如世間人令他捉財興生。亦自興生也。

卯三子遇到父城

時貧窮子遊諸聚落經歷國邑遂到其父所止之城此警退大已後備遭諸苦漢起厭患欲求出離以彼斷常邪慧觀察五墮聚落十八界國十二入邑處處求于正助衣食由此苦境爲機感佛大悲有得涅槃之義故云遂到父所止城也

卯四其父憂念

父每念子與子離別五十餘年而未曾向人說如此事但自思惟心懷悔恨自念老朽多有財物金銀珍寶倉庫盈溢無有子息一旦終沒財物散失無所委付是以慇懃每憶其子復作是念我若得子委付財物坦然快樂無復憂慮

父每念子下正念失子之苦復作是念下懸念得子爲樂也如來自昔至今恒思諸子大機故言每念聞鬼道出修羅故言五十餘年未曾說者未曾向方便土中臣佐吏民說有此子機緣彼臣佐等非全不知

法華經疏

卷之六

弟子機性。但約窮子說時未至。王伴相與覆實未宣。權從物機。故云不說。又應世已來。自昔華嚴方等般若諸座。亦未曾彰灼向諸大士說此聲聞本是佛子也。心懷悔恨者。悔昔不勤教詔。致令無訓逃逝。恨子不惟恩義疎我親他。以譬如來悔不殷勤令入內凡。遂使退失本解。恨其不能精進固志疎我正法。親他六塵也。自念老朽者化期將畢。大法未傳。如老朽而無子。問。湊身所化諸菩薩等悉堪補處。何遽此憂答。法身所化本無興廢。誰譚老朽。今明化身眷屬則有二種。一者法

身大士共相影響。迹雖弟子。本或是師。亦不約此自念老朽也。二者同居凡夫。初從化佛發道心者。名此爲子。子繼父業。令胤族不斷。若身子受記作華光佛。則一方佛種相續不斷。大乘家業遞相傳付。倘身子無可化機。則大乘法財現無付囑。後來佛種安寄。老朽興歎。正爲此也。有可度機。名爲得子。與授佛記。名付財物。稱于本心。名爲快樂。初父子相失譬竟。

(寅)二父子相見譬。領上長者見火譬及方便品中

頌五濁也。然法譬並明。父前見子。此中則明子。前見父。蓋就佛則靈智先知。約生則機成。扣應。機應不前不後不可思議。特前後互舉耳。文爲

二。初子見父。二。父見子。

(卯)今初

世尊。爾時窮子傭賃展轉遇到父舍。住立門側。遙見其父。踞師子牀。寶几承足。諸婆羅門刹利居士。皆恭敬圍繞。以真珠瓔珞。價直千萬莊嚴其身。吏民僮僕。手執白拂侍立左右。覆以寶帳。垂諸華旛。香水灑地。散衆名華。羅列寶物。出內取與。有如是等種種嚴飾。

威德特尊。窮子見父有大勢力。卽懷恐怖悔來至此。竊作是念。此或是王。或是王等。非我傭力得物之處。不如往至貧里。肆力有地。衣食易得。若久住此。或見逼迫。強使我作。作是念已。疾走而去。

此文凡有四意。初見父之由。由于傭賃。二見父之處。處在門側。三見父之相。踞師子牀乃至威德特尊。四生畏避。卽見父有大勢力。悔來至此等也。初傭賃展轉者。由厭苦欣樂。推求理味。漸漸積習資助。出世善根。以此善根。扣佛慈悲。故言遇到父舍。

60 1 2 3 4 5 6 7 8 9 70

80

也。父譬道後法身。舍譬無緣慈悲。大小二機。雙扣此舍。有大機故。故言遙見其父。有小機故。故言在立門側。若唯小無大。不應遙見尊特之身。父亦不應歡喜財物庫藏。今有所付。若唯大無小。不應在立門側。亦不應言非我傭力得物之處也。第二意中言門側者。二觀爲方便。如門二邊。圓中之機。當門正見。二乘偏真。譬以門側。但空三昧。偏真慧眼。傍窺法身耳。扣召事遠。是故言遙也。第三意中言踞師子牀者。圓報法身。安處第一義空法性之座。

無復通別二惑八魔等畏也。寶几承足者。定慧爲足。實諦爲几。無生定慧。依真如境也。婆羅門名淨行。貴族高潔。譬華嚴會中等覺位離垢菩薩也。刹利王種。譬華嚴會中九地乃至初地諸大菩薩也。居士富而未貴。譬華嚴會中三十心菩薩也。真珠瓔珞。譬究竟戒首楞定。一切種慧法音陀羅尼。四瓔珞也。價直千萬。譬四十地功德以嚴法身也。吏民僮僕者。若約異門明義。卽以民譬稟。方便教斷通惑人。吏譬稟別教。斷通惑人。若約同門明義。還

89

譬方便波羅密也。內與實智同。外與機緣同。譬如吏民有內奉外役之義也。白拂。譬權智之用。右譬入空智用拂四住塵。左譬入假智用拂無知塵。此二爲中道方便故言侍立也。寶帳。譬真實慈悲。華譬四攝。旛。譬神通。香水灑地。譬法水灑諸菩薩心地。以淹惑塵。亦譬定水灑散心也。散衆名華。譬七淨華也。一者三聚淨戒。二者首楞大定。三者實慧。四者斷。一諦姪。五者行于非道。通達佛道。六者智德圓滿。了了見性。七者斷德成就。永盡無明。羅列

寶物者。譬羅列諸地真實功德也。出內取與。如前釋。威德特尊者。光明無邊色像無邊。相海隨好巍巍堂堂也。第四意中。有大力勢者。智大名大力。神通大名大勢。猶上文身手有力義也。恐怖者。小機劣弱怯懼大道也。悔來至此者。佛本欲以大法擬之。應不稱機。但有退大之意也。竊作是念者。機中潛密冥。有此意非是顯對見勝應身也。蓋父子相見。雖譬感應道交。不可思議。然約化事論之。則父先見子。是如來鑑機道理如此。今云子先見父。相

及處等。並非已見祇約機應。具述始末受化元由而已。此或是王或是王等者。波旬爲王徒輩爲等。小機灰斷無言說道絕於色像。旣遙見勝應。非天人所及。所說法相迴異二乘。小智薄德。未曾見聞。便謂是魔或魔徒輩也。且如略開三顯一之時。身子尚自狐疑。將非魔作佛燒亂我心耶。况復初成道時。設卽用大擬小。能不疑佛爲魔。又法身是王報身與法相稱。名爲王等。大乘法報。非是小乘得益之處。故云非我傭力得物之處。譬小機不能受。

大化也。貧甲譬但空之理。不含萬德。或譬四見之境。肆力有地。譬偏空。稱于小智。或譬四見。稱于世智。衣譬行。食譬慧行。衣食易得。譬能得有餘涅槃。無漏衣食。或譬能得世間味禪也。若久住此等者。行大乘道。經無量劫。故云久住。我本厭怖生死。若修大乘。必入生死。廣學萬行。故言逼迫。我本樂小。而今令我發大乘心。是爲強使。捨大取小。故言疾走。

卯 二父見子

60 1 2 3 4 5 6 7 8 9 10

1 2 3 4 5 6 7 8 9 10

1 2 3 4 5 6 7 8 9 10

時富長者於師子座見子便識心大歡喜卽作是念我財物庫藏今有所付我常思念此子無由見之而忽自來甚適我願我雖年朽猶故貪惜

此文亦有四意初師子座是見子之處如來法身居第一義空無畏之境明照機也二見子便識知是往昔結緣衆生也三見子歡喜佛恒伺子機今機來稱慈是故歡喜此領譬喻中卽大驚怖方便中起大悲心前明拔苦故言驚怖今明與樂故言歡喜也四見子適願昔見衆生退大之後馳騁四

方以求衣食傭賃展轉常欲與財無機不得今日機來稱大慈心故言庫藏今有所付衆生流轉生死衆苦所逼爲大悲所痛故言我常思念雖欲救拔無機叵濟故云無由見之今有可度之機故云而忽自來稱大悲心故云甚適我願一期化訖故言年朽且約示從然燈受決乃至兜率降神出家成道卽是一期化事將畢也未見僧大機法無委付將來之徒從誰得脫爲可度者故言貪惜也二父子相見譬竟

(寅)三追誘譬領上捨几用車譬及左便品中施方

60 1 2 3 4 5 6 7 8 9 10

1 2 3 4 5 6 7 8 9 10

便化意也。文爲二。初遣旁人追。二遣二人誘。

○今初

卽遣旁人急追將還。爾時使者疾走往捉。窮子驚愕。稱怨大喚。我不相犯。何爲見捉。使者執之逾急。強牽將還。于時窮子自念無罪。而被囚執。此必定死。轉更惶怖。悶絕瞬地。

此雙領勸誠兩門皆無機也。旁人者。智是能遣。教是所遣。從佛出十二部經也。又臣佐等爲旁人。如華嚴經中法慧菩薩說十住功德林菩薩說十行。

金剛幢菩薩說十迴向。金剛藏菩薩說十地等也。急追將還者。用頓教法勸門擬宜也。疾走往捉者。大乘明義顯露正直。用此赴機。疾趣菩提。若以菩薩爲旁人者。菩薩自有神力。又被佛加。亦能令彼疾入菩提也。窮子驚愕等。是譬勸門無機。旣現無機。縱昔曾發廢久不憶。卒聞大教。乖心故驚不識。故愕。小乘以煩惱爲怨。生死爲苦。若勸煩惱卽苦。提則大喚。稱怨枉。若聞生死卽涅槃。則大喚稱苦痛。我不干求大乘。何爲用大捉我也。使者執之逾

急強牽將還譬大乘誠門擬宜爲說怖畏之事也。
窮子自念無罪等是譬誠門無機罪者譬慈悲也。
衆生罪故入生死獄。菩薩慈悲入獄救之。二乘無
此大慈大悲故言無罪令入生死是被囚執也。無
大方便而入生死必當永失三乘慧命故言此必
定死思此等事故言轉更惶怖小智不解大教故
言悶絕溺無明地故言躰地也。

父遙見之而語使言不須此人勿強將來以冷水灑
面令得醒悟莫復與語所以者何父知其子志意下

劣。自知豪貴爲子所難。雖審知是子而以方便不語
他人云是我子時使者語之我今放汝隨意所趣窮
子歡喜得未曾有從地而起往至貧里以求衣食

此雙領勸誠兩門息化蓋是採取佛意佛雖勸門
擬宜無機意猶未息更作誠門擬宜事不獲已然
後息化也文亦四意初卽思惟息化言父遙見者
小去大遠故名遙也語使言者若約教爲使則智
本說教智知無機智息故教息若約人爲使則如
淨名中攝汝身香無令彼諸衆生而起惑著又如

法華會義

普賢入此娑婆。促身令小等。皆其義也。勿強將來者。既無大機。恐傷其善根也。令水灑面者。知有小志。宜以灰斷理。水灑彼向。涅槃面。令得離煩悶。漸悟四諦也。莫復與語者。決定應息大乘教也。第二所以者何下。釋成息大化意。厭苦欣空。故志意下劣。悲智未發。故畏難豪貴。審知二萬億佛所曾發道心。實是佛子。爲將護故。不語他人。卽從阿含乃至般若。未嘗彰言二乘作佛也。第三使者語之下。正明息于大化。我今放汝。卽是知大機弱。隨意所

趣。卽是知小善強也。第四窮子歡喜下。卽是息化稱機。不爲大教所逼。是故歡喜。逗之以小。可得醒悟。故言從地而起。於但空理求正助道。或于四見求正助道。故言往至貧里。以求衣食也。初遣旁人追竟。

卯二遣二人誘爲二。初齊教領。二取意領。

(辰)初

太直齊教領者。近領三車。救子遠領波羅奈施權也。歎詰又爲四。初領擬宜三車。二領知子先心。三領歎詰。三車。四領適願爭出火宅。

(巳)今初

爾時長者將欲誘引其子而設方便。密遣二人。形色憔悴無威德者。汝可詣彼。徐語窮子。此有作處。倍與汝直。窮子若許。將來使作。若言欲何所作。便可語之。雇汝除糞。我等二人亦共汝作。

旣息大化。不容孤棄。擬設方便。故云將欲。四大弟子齊已分領。不涉菩薩。故云密遣二人。約法。卽四諦十二因緣。約理。卽有作真俗。約人。卽聲聞緣覺。而言密遣者。約教。則隱滿字爲密。指半字爲遣。約理。則隱實爲密。指權爲遣。約人。則內秘菩薩行爲

密外現是聲聞爲遣也。二乘教中。不修相好。但說苦無常無我不淨。故言形色憔悴。不具十力。四無所畏。故言無威德者。以此小教而擬小機。故言汝可詣彼。小教明理迂隱。不同大乘直走。往捉故言徐語窮子。見修兩道。是斷惑作處。故言此有作處。外道六行。但能伏惑。生上二界。今修諦緣。則能斷惑。出生死海。故言倍與汝直。窮子若許者。有機是許。則設教無機。是不許。不設教也。二乘唯欲除惑。取證不論淨佛國土。成就衆生。故言雇汝除糞。我

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

90 1 2 3 4 5 6 7 8 9

等二人亦共汝作者。約教則二乘鈍根。憑教行行。方能修業。約理則智諦相資。約人則權人共實人修行也。

(巳)二領知子先心。三領歎三車時二使人卽求窮子。旣已得之。具陳上事。

審知有機。故言得之。卽領知子先心也。具陳上事。雇使其作。除苦集糞與道滅直。卽領歎三車也。

(巳)四領適願爭出火宅

爾時窮子。先取其價尋與除糞。其父見子愍而怪之。

慕滅方肯修道。故云先取其價尋與除糞。猶云先問其價也。取價是適願。除糞是爭出。愍者愍其取小乘果。怪者怪其不求佛道。初齊教領竟

(辰)二取意領者。領法身地久照方便。非至道樹始知用小。早鑑衆生畏難尊特。親狎垢衣。故追領

往前以成今解也。問四大弟子何因能知法身久照答。推近知遠。若至道樹始知無有大機。不應兜率降神。正慧託胎。乃至現有煩惱納妃生子。三十四心後身斷結。驗知脫相海微妙縷絡。

著丈六粗弊垢衣。鑒機蓋已久矣。文分爲四。初領權智久欲擬宜。二領久知小法是其玩好。三領久知須歎三車。四領久知適願受行。夫已今初

又以他日於牕牖中遙見子身

又者鄭重辭也。將欲取意領法身地知機施化之妙。重述佛意故標章稱又也。他者指法身也。二乘自謂權理爲已。故以實理聖已而名他也。日者時也。亦智也。依法身之時用智照機故言他日。前齊

教領領化身用事故二乘稱爲已日。今取意領領法身用事故二乘稱爲他日。又就如來法身說者。實智照實爲已。權智照方便爲他。又自行權實爲已。化他權實爲他。又化他照實爲已。化他照權爲他。今正探領法身之時。用化他權智照權機之若有若無。照權用之若可若否。故言他日也。牕牖者在屋曰牕。在牆曰牖。既非中門。明處又狹。譬權智照偏機也。遙者小去大遠也。見者擬欲接之也。子者昔曾結緣也。此由子隔牕牖之外。非關長者偏

60 1 2 3 4 5 6 7 8 9 10

1 2 3 4 5 6 7 8 9 10

視之非

(已)二領久知小法是其玩好

羸瘦憔悴糞土塵坌汚穢不淨

修因智力少故羸修因福力少故瘦內怖無常故
憔外遭八苦故悴四住爲糞土無知爲塵坌

(已)三領久知須歎三車

卽脫纓絡細輶上服嚴飾之具更著粗弊垢膩之衣
塵土全身右手執持除糞之器狀有所畏

卽脫等者譬隱報身無量功德所謂四十二地戒

定慧陀羅尼纓絡寂滅忍細輶上服大小相海嚴
飾之具蓋容服若盛子則驚畏二乘不宜見此相
好是故脫之更著等者現丈六形名粗生忍法忍
名弊示有煩惱有爲有漏名塵土全身也右手譬
權用除糞之器譬治見思法門自以此法斷結成
佛又用此以化人故名執持示同怖畏生死又示
寒風馬麥等報故名狀有所畏

(已)四領久知適願受行語諸作人汝等勤作勿得懈息以方便故得近其子

後復告言。咄。男子。汝常此作。勿復餘去。當加汝價。諸有所須盆器米麩鹽醋之屬。莫自疑難。亦有老弊使人須者相給。好自安意。我如汝父。勿復憂慮。所以者何。我年老大而汝少壯。汝常作時無有欺怠。瞋恨怨言。都不見汝有此諸惡如餘作人。自今已後。如所生子。卽時長者更與作字。名之爲兒。爾時窮子雖欣此遇。猶故自謂客作賤人。由是之故。於二十年中常令除糞。

此文具譬道品七科法門。以顯除糞之相。領上諸

子心。各勇銳互相推競。共馳走爭出火宅也。一者語諸作人句。譬說四念處法。是除糞之器。斷結之境。卽聞慧外凡位也。二者汝等勤作勿得懈怠。譬四正勤能發煥位。煥是內凡。故云得近其子。三者後復告言等。譬四如意足。咄是驚覺之辭。令捨散入靜也。正勤屬智。如男子是陽性。如意足屬定。如女人是陰性。若但正勤策動。不得與真相應。故咄令修如意足也。念處正勤。動不專一。不名爲常。四如意中。定不異緣。思惟則定。恩惟則斷。定斷專

一。故云汝常此作。不復紛動。故云勿復餘去。此是頂位也。如意觀中能發無漏。故云當加汝價。有漏無漏助道正道。皆從如意觀求。欲須卽得。故云諸有所須莫自疑難。盆器譬四禪體舍支柱。米譬生空智粗。麪譬法空智細。藏教中亦有法空。非大乘法空也。此屬正道。鹽譬十六行觀中無常。醋譬于苦。此屬助道。如米麪難食。須鹽醋和之。譬正道難顯。須助道佐之也。亦有老弊使人者。譬如意觀能發神通以代手足。但神通劣弱。故云老弊。又九想十想八背捨等。

助道法門。譬以使人。如意觀中亦有此法。須此助于正道卽成俱解脫人。故云須者相給也。四者好自安意。譬于五根。若得五根。則安固難壞。此忍位也。五者我如汝父等。譬于五力。世第一位。似解鄰真。故云我如汝父乃至如所生子。所以者何下。釋成如父之意。佛居道終已具智斷。故言老大。汝居道始未有智斷。故言少壯。有信力故無欺。有精進力故無怠。有念力故無瞋。有定力故無恨。有慧力故無怨。言餘作人者遠。譬外道諸見求理。近譬四

念處等四位。亦未免五過也。六者卽時更與作字。名之爲兒譬。七覺八正入見道位。世第一心無間證真。故云卽時。從此轉凡成聖。故云更與作字。阿含說五種佛子。謂四果及辟支佛。菩薩不斷結子。義未成。卽此義也。七者爾時窮子雖欣此遇下。譬修道位七覺八正。以其不知堪任紹大。故云猶故自謂客作賤人。以其但稟權教修行盡苦。故云二十年中常令除糞。卽是見諦一無礙一解脫。思惟道九無礙九解脫也。三追誘譬竟。

寅四領付家業譬。近領火宅中等賜大車。遠領方便中頌顯實也。文爲二。初領家業。二付家業。
卯卯初中二。初相體信。二命領業。辰今初

過是已後心相體信。入出無難。然其所止。猶在本處。此正譬方等彈訶時也。由其得涅槃價。事旣不虛。今爲菩薩說大乘法。亦必不虛子信父也。佛知此等見思已斷。聞大不謗。無漏根利。能微生信。父信子也。由此見尊特身聞大乘教。名之爲入。復被訶折。猶見丈六說小乘法。名之爲出。大小出入。雖無

60 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

疑難。猶謂大乘是菩薩事。非已智分。不肯廻心向
大。故云所止。猶在本處。

(辰)二命領業。又二。初命知家事。二受命領知

(巳)今初

世尊。爾時長者有疾。自知將死不久。語弟子言。我今
多有金銀珍寶。倉庫盈溢。其中多少。所應取與。汝悉
知之。我心如是。當體此意。所以者何。今我與汝。便爲
不異。宜加用心。無令漏失。

此正譬般若轉教時也。將死不久者。有機則應。爲

生機。盡應謝爲死。今化機將畢。應謝非久也。金譬
中理。銀譬真理。理則非多。約種種門。亦得言多。例
如空。非十八。約破十八法。名十八空也。勸學中明
一切法門。皆是珍寶。倉譬定門。卽百八三昧。庫譬
慧門。卽十八空境。定慧倉庫。包藏一切禪定智慧。
無所缺少。內充外溢。故云盈溢。其中多少者。譬般
若廣略二門。菩薩行般若。應知廣略相。略則爲少。
廣則爲多。自行爲取。化他爲與。大品中云。汝當爲
菩薩說。故云汝悉知之。我心如是者。佛以般若爲

心當體此意者誠令同我體法空也。今我與汝便爲不異者有三義。一是加被令說故與佛說不異。二以諸法皆如故得不異。所謂善吉如。如來如。如無二如。三就今日始悟父子天性。本來不異。而二乘人向自謂被加異耳。如般若云。豈二乘人敢轉。且言被加。宜用心無令漏失者有二義。一是約教爲菩薩說不可漏失。二是約理此卽汝物不可漏失也。

(乙)二受命領知

爾時窮子卽受教勅。領知衆物金銀珍寶及諸庫藏而無希取一餐之意。然其所止故在本處。下劣之心亦未能捨。

無希取者如善吉雖說般若自謂我無其分也。止本處者猶保小乘果證也。未捨下劣心者雖復恥小未卽迴心向大也。問二乘至般若時審得別益何云無希取意。答領知無量差別法門故名別益無心希取故名密得。若肯希取卽是顯得何名寄得耶。初領家業譬領上免難歡喜竟。

卯二付家業。譬爲二。初正付家業。二得付歡喜。

辰初正付家業。領上索車及等賜大車二意也。復經少時。父知子意漸以通泰。成就大志。自鄙先心。臨欲終時。而命其子。并會親族。國王大臣。刹利居士。皆悉已集。卽自宣言。諸君當知。此是我子。我之所生。於某城中。捨我逃走。姪婢辛苦五十餘年。其本字某。我名某甲。昔在本城。懷憂推覓。忽於此間遇會得之。此實我子。我實其父。今我所有一切財物。皆是子有。先所出內。是子所知。

復經少時。譬般若後。正說無量義經之時。旣聞本從一法。生無量法。必思無量諸法理。應還入一法。如此思時。漸以通泰。故得大乘機發。乃至今經發言三請。名爲自鄙先心。此領索車意也。臨欲終時者。如後文云。如來不久將入涅槃。正指法華時也。命其子者。二萬億佛所受化之人。大機旣熟。十方雲集。也。并會二字。貫于下文。言親族者。十方法身菩薩影響衆也。言國王者。一切漸頓諸經當機。益物。部部不同。名之爲國。皆言第一。卽各稱王。今經

會通諸經故名并會國王也。等覺菩薩爲大臣。十地菩薩爲刹利。三十心菩薩爲居士。諸君當知下是正結會父子。實從我學故云此是我子。從我得解故云我之所生。於某城中者此經西國文多。或可說昔名字國土。例如大通智勝因緣。今文簡略。但言某某也。背大乘法遁入生死故言捨我逃走。備經六趣故云五十餘年。法身地宇常覓可化之機。故云昔在本城懷憂推覓。始于今日感應道交。故云忽于此間遇會得之也。今我所有下是正付。

與家業一切財物卽大乘萬行萬德。先所出內卽追指廣略般若共不共法。先已領知。今但付與。所以法華但論開示悟入佛之知見。不復廣說。一切行相。此領等賜大車意也。

(卯)二得付歡喜領上得車歡喜意也

世尊是時窮子聞父此言。卽大歡喜得未曾有。而作是念我本無心有所希求。今此寶藏自然而至。

譬三藏中本心不求方等中雖恥小自謂望絕故不求。般若中雖領知自謂非已分故不求。如此不

求而今自得也。然此歡喜之由有遠有近。若不先教傭作。與一日之價。豈得心相體信委業付財。譬由三藏斷結。方堪並聞大集受折淨名轉教般若。而致今日開顯授記耳。故傭作取價。即是遠由。體信委知。即是近由。又前誘引譬中。共有二意。一齊教領。始自道樹。終訖出宅。二取意探領。始自法身。終訖思盡。今于領付譬中。亦有二意。一探領慈悲四味調熟。二終領付財究竟一味。遠近始終合論五味。何者。卽遣旁人。旁人所說譬華嚴圓頓。此教

最初。旁人譬牛。所說譬乳。故云從佛出十二部經。卽初味也。若以此擬二乘人。則無機不受迷悶躰地。全生如乳也。次明密遣二人說除糞法。此譬鹿苑說三。於小卽信。華凡成聖。如轉乳爲酪。故云從十二部出修多羅。卽第二味也。次明心相體信。出入無難。譬說方等淨名諸經。揚大折小。二乘聞大不謗折小不退。良以三藏斷結。取一日價。故得恣其褒貶。倘未斷結。則不堪聞揚大。如前不受勸門。亦不堪聞折小。如前不受誠門。而今不謗不退者。

心相體信故也。旣親證小。故信大不虛。得涅槃價
故體折不瞋。雖非已事。而不疑謗。此心淳熟。如從
酪出生酥。故云從修多羅出方等經。第三味也。次
長者自知將死不久。下譬般若會中。使其領教爲
大菩薩說摩訶般若。旣領知衆物貫統法門。心明
口辯彌益慕樂。但恨住小非是已物。脫更開許。豈
不樂哉。於是心漸通泰。成就大志。如從生酥出於
熟酥。故云從方等出摩訶般若第四味也。次臨欲
終時而命其子。譬般若之後判天性定父子。會三

歸一付財與記。說法華教開佛知見。示真實相。菩

薩疑除聲聞作佛。悉以如來滅度而滅度之。如從

熟酥出于醍醐。故云從摩訶般若出大涅槃第五

味也。四大弟子深得佛意。採領一化五味之教。始

終次第其文。出此。此爲最鈍聲聞。須經五味。若稍利者。四三二味。卽得入實。故此別五時教。止約一類根性所聞。不可執別而難通。

也。又華嚴如日照高山。阿含如日照幽谷。照幽谷時未嘗不照高山。說阿含時。何得不說華嚴。方等般若。例此可知。今人僅讀四教儀一書。不知廣習

習台宗。寧知如來大機大用。

初立譬竟

子二法合甚略。譬中已委故不更論。貴在得意。不

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

俟費辭也。文爲四。初合父子相失。二合父子相見。三合追誘。四合領付家業。
(丑)今初

世尊大富長者。則是如來我等皆似佛子。

似有二義。一取大機爲子。昔未逃避旣非真位。猶居外凡。故名似也。二取小機爲子。子旣逃父。貶之言似。卽以似字而合相失。

(丑)二合父子相見

如來常說我等爲子。

但合長者見子便識。卽得子見父。父見子。二文八

義

(丑)三合追誘二。初合旁人追。二合二人誘
(寅)今初

世尊我等以三苦故於生死中受諸熱惱。迷惑無知。樂著小法。

三苦謂壞苦行苦苦苦也。受諸熱惱。卽五濁障重。中迷惑無知。卽不受勸誡。樂著小法。卽但有小志。不堪大化也。

(寅)二合二人誘。又二。初合齊教領。二合取意領

卯 今初

今日世尊令我等思惟蠲除諸法戲論之糞。我等於中勤加精進得至涅槃一日之價。既得此已心大歡喜。自以爲足便自謂言於佛法中勤精進故所得弘多。

令我等思惟等是合具陳上事勤加精進是合尋與除糞得至涅槃等是合先取其價也。

卯 三合取意領

然世尊先知我等心著弊欲樂於小法便見縱捨不

爲分別汝等當有如來知見寶藏之分

上言又以他日遙見子身今云先知上言羸瘦憔悴今云心著弊欲等上言卽脫瓔珞今言不爲分別等三合追誘竟

卯 四合領付家業二

初合領家業二合付家業

寅 今初

世尊以方便力說如來智慧我等從佛得涅槃一日之價以爲大得於此大乘無有志求我等又因如來智慧爲諸菩薩開示演說而自於此無有志願所以

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

者何。佛知我等心樂小法以方便力隨我等說而我等不知真是佛子。以方便力說如來智慧合土心相體信出入無難也。於此大乘無有志求合上所止猶在本處也。又因如來智慧爲諸菩薩開示演說合土受命領知也。而自於此無有志願合上無希取也。所以者何下釋出無希取意。佛方便力以實相法共二乘說我等不識不共之意也。

(寅)二合付家業又二。初合付業二。合歡喜

(卯)今

初

今我等方知世尊於佛智慧無所憮惜。所以者何我等昔來真是佛子。而但樂小法。所以如來萬不得已。權施小法。若我等有樂大之心。佛則爲我說大乘法。於此經中唯說一乘。而昔於菩薩前毀訾聲聞樂小法者。意欲我等捨僞取真然佛實以大乘教化

(卯)二合歡喜

曲卷一
五迦葉公二

是故我等說本無心有所希求。今法王大寶自然而至。如佛子所應得者皆已得之。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

中根領解二白佛自陳中初長文竟

妙法蓮華經台宗會義卷二之二

霍谿祖庭助銀一兩 正映助銀二兩

炤應助銀二兩

隆昌助銀一兩

海廣助銀一兩

性覺助銀五錢

方燧助銀三錢

金頂助銀二錢

皆來真景助銀伍兩

大行助銀二兩

今非等太咲助銀一錢

任志凌助銀三錢

合付家業又五

慶智助銀一兩

60

1 2 3 4 5 6

7 8 9

70 1 2 3 4 5 6

7 8 9

80 1 2 3 4 5 6

7 8 9

80 1 2 3 4 5 6

7 8 9

廿

九